

棗林雜俎 聖集

科牘

貢額

癸未禮闈三改

爭狀元遺戍

南宮傳代蒙宥

庶吉士三選及貢士外官庚辰齒錄

焚闈

庶吉士一年散館

鼎甲館課

爭解元占席

明經

庶吉士四選

庶吉士再選

習譯監生

翰林院秀才

寬貢士三科

戒場

齒錄聘二氏

試規

鄉錄論表各二

會試錄序

三甲進士刊策

附學生

鼎甲並相

羅萬化

劉珠

辨李廷機失中三元

省試專遣

楚試不用詞林

程策相同

割卷倖售

韓敬

劉暹

鄉榜填悞

巡撫監試

嚮元

廷試策失塗注

會試特點同官

管正傳

首輔鄉人狀元

述鄭益校錄本

二甲御書

廢卷騰聲

程策之悞

丁丑鼎甲

馮士驛

萬年曆

南闈謠

馮元颯

主考宴

進士歸娶

解元未娶

宗室進士

兄弟同進士榜異姓

進士同姓名

武生進士

進士異任

重舉鄉榜

原始

臚傳

試錄稱臣

六預鄉房

三氏學

學宮祀顏子

廣文變例

補榜

進士

先正流聞

宋濂攻苦

周壽誼人瑞

唐伯逸

鄒傑復姓

賈魯斥佛

逮宏言事

周魯章策笠

蔡新童婢

徐樞

于謙

李東夢迎駕詩

尹恂

楊瑄

王恕

王存忠

楊守陳故宅

述鄭公校錄本

楊循吉定論

包德懷嫁故人女

周廷芳

陳恪冰清玉潔

邵寶絕巫

潘墳

劉大夏格言

李東陽佑歌

陳察御史騎驢

魏庠廳旁塚

王勳嚇鬼

朱良育不受封

杜了翁言行

熊鳳文不跪選司

桑桂移風社

毛中丞里居

景暘孝感

胡松抄書

鄭慶祛蝗

王勅雲母

徐階論士

唐樞

高拱知人

張居正急才

徐階李春芳陸樹聲

姚弘謨迎母

袁洪愈貧宦

余有丁家祭

沈思孝在戍

戚繼光

馮孝壻規鄒高舉

申時行李廷机薄殯

李廷机鳩工

李騰芳

張臣感慟

王汝訓散貲

唐文徵

陳滄孝紋

碩憲成寡欲

魏一鳳辟狐

鄭繼之

彭應參

詹景鳳

許弘經責子

述鄭公校錄本

葉向高講學

吳道南

竇子偁

徐光啟

楊瀚

馮氏義僕

葛寅亮督學

丁賓老不忘孔林

朱國楨秀才氣

沈演四友二老

董其昌

錢士升

陳組綬結客

陸夢龍

張燁芳

吳麟徵家訓

柯起鳳不負丞

王朝堂死孝

藝筭

諭幼儒勅

宣尼遺筆

顏子

海益秦駐山始皇碑

偽書

嵇康真蹟

王大令洛神賦

雲麾將軍碑

百家姓

蘇子瞻制義

大學本義稿

朱文公集

心史鐵函

宋濂

道餘錄

御史試荳芽菜賦

周叙修宋史

莆陽柳史

張元楨

詩韻辨

張東海自題像司空圖

揚守陳

李夢陽論文

李夢陽何景明

述鄭公校錄本

江河伏流

常倫逸詩

王璜雲中歌

胡瓚

徐霖

前李攀龍

西京賦

兩皇明通紀

張邦奇

修誌

王道書壁雜帖

王慎中

國朝人物編

夏惟訥

唐覲

李于鱗王元美手抄

李于鱗閱史記

王元美讀易書後毀論

余翔

穆文熙熱書

謝陞季漢書

春雪詩

無名氏詩

明雋

宋登春

北雍刊史

陳于陞修史

爭詩

喻應益

王穉登

馮元成論文

周玄暉

陳植之

中秘書

收書法

纂書

厄書

文瞽

鍾惺譚元春

洪範時明義

蔣德璟日記

爭妾詩

永和宮詞

思陵長公主挽詩

述鄭公校錄本

失婢詩

廣孝錄

續哀江南賦

補艷骨行

述鄭公校錄本

東林雜俎 聖集

鹽官談遷孺木著

科牘

貢額

洪武三年庚戌五月始詔行科舉直隸貢百人河南山東山西陝西北平福建江西浙江湖廣各貢四十人廣東廣西各二十五人若人才多寡不拘額時直隸就試者百三十二人拔七十二人見考官宋濂鄉闈紀錄序鄉試錄曰小錄河南通志是年鄉榜孫卓劉中趙斗南黃敬張堂王誼辛亥鄉榜張唯王輝李端張紳

庚戌辛亥壬子癸丑連歲開科有未及會試遂錄用者

金華府志

洪武四年吳伯宗榜六年金鑄^榜十八年丁顯榜紹興府志按六年不開榜存疑可也

洪武五年鄉舉六年是科狀元莫考一云未常殿試徑照會試名次選授方徵王寅方毅俱進士興化府志

洪武十七年甲子三月詔貢士不拘額從實充貢

十八年乙丑科會元黃子澄狀元丁顯

衡州府志鄧偉奇子才安仁人乙丑會試第一上親製廷試策問以丁顯第一偉奇次之俱授翰林修撰偉奇天資秀異博洽穎敏善屬文尤長於詩第二甲為編修吳文為檢討三甲楊靖為庶吉士蹇瑤為中書舍人或以練安黃子澄為是科恐未深攷云

述鄭益校錄本

洪熙元年乙巳定南京八十人北京江西五十人江浙福建四十五人湖廣廣東四十人河南四川三十五人陝西山東三十人廣西二十人雲南交趾十人貴州附湖廣永樂九年辛卯雲南始開科時貴州未附

宣德四年己酉雲南貴州始合試增雲南五人共十一人貴州

普安劉瑄

宣德七年壬子雲貴共十五人雲南十人貴州五人

正統二年庚申定順天仍八丁巳令貢士不拘額

正統五年庚申定順天仍八十人應天百人浙江福建六十人江西六十五人河南廣東五十人湖廣五十五人山東四十人廣西三十人雲南增三人貴州增二人共二十人

正統六年辛酉增順天二十人

正統十二年丁卯增雲南二人貴州三人共二十五人

景泰元年庚午詔貢士不拘額四年亦然

景泰七年丙子兩京各增三十五人浙江江西福建河南湖廣山東各增三十人廣東四川陝西山西廣西各增二十五人定雲南貴三十人雲南二十人貴州十人

成化十年甲午增雲南五人共四十五人

弘治七年增雲南二人貴州三人明年乙卯解額共五十人

正德五年庚午增雲南三人貴州二人共五十五人

嘉靖十四年分定雲南舉四十人貴州二十五人烏撒衛浦仲

良第一

述鄭堃校錄本

嘉靖十九年庚子增湖廣五人

嘉靖二十五年丙午增貴州五人

隆慶五年辛未增兩京各十五人

萬曆元年癸酉增雲南五人

萬曆二十二年甲午暫增順天二十人時選貢生增貴州共三十五人

萬曆四十年壬子增順天十人應天八人

萬曆四十三年乙卯增兩京五人浙江七人江西湖廣福建河南山東山西陝西廣西四川雲南貴州各五人

天啟元年辛酉暫增順天二十人應天十人餘省各二人是科山西宗生一人江西河南陝西宗生一人山東四氏學二人遼

生一人不在正額

崇禎

明經

洪武九年貢諸生二十五歲以上

洪武十二年貢二十歲以上

洪武十四年貢諸生容貌端方者

洪武十七年貢歲貢年深成效者禮部試中式入太學需用

洪武二十一年限府歲貢縣三年一貢

述鄭坐校錄本

洪武二十五年府歲貢二人縣歲貢一人

永樂十二年貢楷書諸生

宣德八年貢諸生四十五歲以上

正統十二年貢諸生四十歲以上

天順七年

嘉靖十年令天下歲貢五人選其一歲貢通學考選至十五年止

嘉靖十一年令郡縣各開貢二年仍考選

天啟元年鄉試乙榜廩生准貢

崇禎元年登極恩貢

乙亥通考各學廩生拔貢一人

己卯鄉試乙榜俱充貢不論增附

甲申各學恩貢一人

弘光元年命鄉試恩貢副榜各輸餉百五十金准貢

癸未禮闈三改

永樂癸未以靖難渡江會試改八月天順癸未貢院災改八月
明年廷試崇禎癸未以邊患改八月會試九月廷試

庶吉士四選

永樂二年三月己酉選庶吉士楊相宋子環王訓王直秦政學
徐安吾紳彭汝器周忱劉子欽周文李寧張徹章朴歐陽俊盧

述鄭益校錄本

翰梁任熊直王道曹景暉陸孟良蕭省身劉孟鐸柴廣敬張宗

璉田忠魯與賢洪鍾洪順余學夔陳滿蕭清劉紹林鳳張憲殷

昂嚴光祖冷順段民李貞江鉞章啟倪維哲許瑢陳敬宗王仲

壽李迪袁添祿李時勉楊粲並習文書湯流王英孫奉余昂李

永年袁邇周遠鍾旭彭禮戴弘演並習書戶部辦事進士當塗

李衡以年少自請命改庶吉士同江寧楊寧習書

四月甲申進士沈升孫子良李昌祺羅汝敬徐敬蕭寬褚讓獨

孤樂善陳士啓陳綱董鏞劉子敬陳伯恭陳資善趙曾趙濟劉

剛尤儀劉澄黃楊俱改庶吉士修書

五月辛丑朔諸事辨司進士能書者曾慎魏騏吳惇漆霄趙理

趙琰韓庸史彬徐觀樊靜曾彥昌陳旭田堉羅處富邢旭曾恕

王宅業貞陳興俞禮趙濬恭潘中徐聆胡秉彛周志義俞益曹睦楊儀鳳譚原性為庶吉士

六月命修書庶吉士獨孤樂善陳士啟蕭寬李昌祺羅汝敬沈升孫子良褚讓吳惇魏騏陳旭韓庸葉貞趙理徐聆留院辦事餘三十四人取選尚遠歸原籍

舊京詞林志

爭狀元遣戍

永樂四年丙戌莆田林環進士第一同邑庶吉士陳實自負其才疏取狀元不公上詔召詰之對曰臣百問百荅遂命學士解縉撰百問策一道縉擬以聖門七十二賢賢何德雲臺二十八將將將何功為問及記里鼓論上臨軒命林環陳寔對試實對曰聖人之育才與王者之報功事雖殊而道則一也請

述鄭公校錄本

試陳之昔孔子當春秋之否轍環不通乃欲以轉否之責博望諸徒故杏壇設科時則有七十二賢焉漢明帝承光武之統國家閒暇乃欲以數功之典激厲群雄故雲臺紀績時則有二十八將焉收葬李於門墻列姓名於廊廟天下後世稱君道師道之極者有以夫今以七十二賢之德言之顏閔冉耕雍子貢與夫冉有季路言偃商師其德之載諸孔論者無待陳矣自此之外去捷徑而私謁是戒持狷介而百結是甘有滅明原憲矣然遇事而不更其守貧賤而不移其心不有商瞿顏襄曹邱穎高者乎親賢以造君子願學而為小相有子賤子華矣然脫庸俗以游高明習禮樂以養性情不有梁鱸漆雕哆商澤冉孺伯虔者乎南宮适之所尚在德漆雕開之見道分明固不可及其

他公孫龍后虔或學君子或務自修壤駟赤樂效孔忠或道中
庸或明家樂其有得於聖教何如哉公治長之非罪冉子季之
四長固為可稱其他漆雕徒父鄒單榮旂或以操著或以才名
公哲哀良孺原亢籍步叔乘或敬治已或惠及人其為聖門之
傑出何如哉究孝弟以體悉聖心遭患難而寵辱一致石作蜀
有若巫馬期句井疆縣成其人也志不降而行不論俗畧細節
而守不詭隨申張罕父黑牢在左之郢其人也更寒暑而學不
厭隨達而守如常孰若公夏首狄黑秦商顏之僕燕伋秦非焉
仁孝修而貌如愚麤鄙變而志仁道孰若高柴公堅定鄭國樊
須馬避叛兄而能繫遵善誘而德馨司馬耕與顏子柳耳至於
句茲容箴公西箴施之常其所以聯同姓而明臣道謂非斯人

述鄭公校錄本

之徒與道可明而志不屈問詩禮而喜得三公與與陳子禽耳
至於顏噲廉潔任不齊叔仲會却異其所以履中正而挺高尚
謂非斯人之匹與噫此聖教之所甄陶而為天下萬世之所崇
祀者也復以二十八將之功言之滅群雄除苛政與夫斬將奪
旗攻城畧地者固不乏人而其功之尤為特異者果為誰哉首
建大策以光武為必可為鄧禹壯矣然鎮守河內使民生不苦
於兵戈不有寇恂乎八戰八克以敵國為不足謀吳漢勇矣然
安集關中致百姓相安於無事不有馮異乎折衝千里彎弓三
百自古唯勇將能之而賈復蓋延匹美矣憂國奉公善待士卒
自古唯仁將能之而祭遵王霸克追焉耿弇決策定計而以勝
算高天下固兵家之雄也而耿純陳俊料敵如神每出而成克

捷之勲非中興良佐乎任光羽翼太平而以威望先士卒固當世之英也而邛郫萬修運竒掌上逐鹿而樹萬全之功非佐命巨擘乎王梁杜茂應赤符而擊五校矣乃撫劍抵掌志驅伊吾之北者臧宮馬武也岑彭姚期平西蜀而斬王郎矣乃善治鄣塞身負矢石之難者馬成堅鐔也景丹傳俊李忠或收戰勝之烈或參幃幄之謀為功不同而其策立於當時者要皆從王事於有終者也朱祐劉隆劉植或稱汗馬之勞或展運籌之功所建不同而其効力於王國者要皆為社稷之翼衛者也然論者謂七十二賢中有秦冉顏何冉党夫三人者將以為是則德業聞望寂然無聞何與意者世殊時異傳記有所差訛故若存若亡如此耳又謂二十八將外有王常李通竇融卓茂夫四人者

述鄭公校錄本

將以為非則并畫於臺一體崇祀何與意者功非草創績在方來故推思至此耳要之賢人君子何代無之而名世之出每待王者觀聖賢者慎毋以七十二賢為絕德當如宋邵楊程朱諸公庶無負聖教而得與夫崇祀之列觀雲臺者慎毋以二十八將為竒功當如國朝徐常沐郭諸公庶感動帝衷而得與乎畫圖之選者哉策上林環亦條荅詳悉竟以廷爭違旨永戍邊衛實赴衛亡何卒二子繼沒時勾補到衛輒死累及旁支嘉靖間始開免福州府志

又實諸生時上官謁文廟屬實贊禮值大雨擬拜階上實高唱曰拜下禮也上官勉下拜已升明倫堂命講大誥以難之寔曰此朝章當立聽上官竟不得坐

庶吉士再選

永樂四年三月癸丑選進士為庶吉士江殷故胡啟先孫迪張叔豫李岳潤陳孟潔張文選鄭復言曾春齡曹閻盧永黃猷及修書貢士朱紳 復選進士黃安王資益黃信功黃所載鄭回趙圭陳夢京羅仲深邵輝吳 文徐廷圭鄧成周煒陳寔謝霖楊復王淪樂時逢劉本黎為庶吉士

南宮傳代蒙宥

永樂十年二月庚午會試末場貢士張彥昞余彞互傳代策御史送禮部請鞠治 皇太子令朝翰林官閱其文平常宥之復監竣後科

習譯監生

述鄭益校錄本

永樂 譯字監生許應舉會試卷末仍譯書教十字場畢送翰林院定去取仍送入場填榜天順 以奔兢草

庶吉士三選及貢士外官

宣德八年三月戊辰選進士尹昌黃瓚趙 陳睿傳綱黃回祖又乙榜貢士龍文章瑾李滄梁檠黃平陳詔田鈞李蒲王鑑朱奎袁和林同柴同思張承翰陳康龔理相佐黃輿李奈王佐鄭觀胡如暘趙象蔣榮祖命改進士為庶吉士乙亥賜詩

十一月甲辰尚書蹇義楊士奇楊榮郭璉胡濙選前科進士能文者徐理賴世隆吳節李紹萬洪虞瑛潘洪王玉陳金劉實鄭建方熙何宣為庶吉士學士王直教習

已酉諭在行吏部尚書郭進選外官有文學者明日奉引六十

八人一命楊士奇揚榮試之

知縣孔友諒進士胡端楨廖

莊宋璉教諭黃純徐惟超訓導婁升改進士為庶吉士

庚辰齒錄

天順四年齒錄閣臣許彬子起刻兄越奎文閣典籍

進士仁和汪諧齒錄書父仲淵蓋極刑諱其名也

焚闈

天順癸未禮闈火貢士焚死百十人並賜進士諭祭吉水

羅狀元倫常熟徐侍郎恪俱若有人提出之者餘杭葉御史綱

夢神告以衷緋而入及濱危吏卒謂緋者官紳也果救免

翰林院秀才

成化丙戌科榜眼休寧程敏政

述鄭益校錄本

丁未科進士眉州歐鈺

庶吉士一年散館

成化辛丑科庶吉士明年壬寅八月辛丑李東陽倪兵謝鐸焦

芳陳音授編修吳希賢授檢討劉淳改中書舍人張敷華等九

人俱主事

寬貢士三科

弘治二年乙酉九月己卯貢士林潤以會試三黜故事禁入試

請寬明年特許一科

三年庚戌十二月甲戌弛貢士三科不試之禁

鼎甲館課

弘治壬戌科選庶吉士并修撰康海編修孫清李廷相俱課書

命學士梁儲王華教習先是天順四年三月丙戌選庶吉士劉健等十五人并修撰王一夔編修李永通鄭環命學士劉定之侍讀學士錢溥教習先後鼎甲不課萬曆壬辰後選館概課鼎甲不出序

臧場

正統甲子科四川解元周洪謨

丁卯科福建解元陳俊初場俱五義

爭解元占席

正德庚午科山西解額陳阜謨第一沁水常倫次之方鹿鳴宴倫歷階而升請與阜謨角主司慰諭占席乃退明年辛未倫成進士授大理寺評事以酣狂謫壽州判官仍故態扶於臺使棄

述鄭益校錄本

官後服除起寧羗州守不赴已謁選騎出歸德舞雙刀陷淖中伏刃死年三十三亡子倫醉即矢口成詞邑妓孔留性敏記立被之絃索隻字不遺今澤潞間所傳棲居子樂府得之孔留

齒錄聘二氏

正德戊辰科探花莆田戴大賓寅仲原聘高氏太監劉瑾強以兄女字之齒錄刊聘高氏劉氏大賓奔母喪道卒劉氏嫁閩中士人坐瑾黨削籍

試規

宋制大比之歲每州皆有貢院本州士子皆得入試 明朝先以監司選擇之乃以入試景泰以後專委之提學憲臣

嘉靖初會場禮部條約許舉子帶洪武正韻一部表末時不用

瞻天仰聖見董穀碧里雜存

舊科場規正考閱易書二經副考閱詩春秋禮記三經各不相涉見詞林典故

鄉錄論表各二

嘉靖七年戊子科江西主試

羅刑部主事屠應

竣鄉試錄刊論表各二篇名雖舉子仍分注羅撰屠撰

會試錄序不受門生

嘉靖己丑科會試錄後序霍韜撰略曰我百執事知所以事君乎賢才社稷之隸也聖主求才為社稷也我臣子貪以為功得罪社稷孰大焉是故多士進矣聖天子聖天子不為私用我百執事其敢曰士繇我進為我門生帝私恩乎又曰爾多士進

述鄭坐校錄本

矣服事庶僚鞠躬誓心下衛生民上衛社稷圖報聖天子為帝臣公臣母德舉主偃曲阿比以獲戾社稷是爾社稷之臣也其慎諸於戲其慎諸

正德甲戌科霍韜會元於座主不稱門生

萬曆乙未科吏科都給事中楊東明分考不受門生

三甲進士列策

嘉靖乙未科進士安陽郭璞第三甲出身上善其策命鐫於一甲後

附學生

寧國府志嘉靖十五年知府李默著載附學生麗百人宣城八十人南陵涇太平各七十人寧國三十人旌德四十人又泗州

志嘉靖初候定訓著盱眙附學生僅三十人乃募子弟可百人
教之明年夏補諸生三十五人餘督教如舊以兩地觀之往時
附學生猶寥寥也

鼎甲並相

嘉靖壬戌科一甲申時行王錫爵余有丁
萬曆丁未科一甲黃士俊張瑞圖施鳳來
丙辰科一甲錢士升林鈺賀逢聖以上俱入相壬戌固極盛而
丁未諸公頗有遺議士升丁酉歲選太學久不售考選例當縣
丞而止乙卯舉北雍聯捷躋於政府

羅萬化

廷試策進呈必書法潔整隆慶戊辰科閣臣進呈 上疑首卷

述鄭益校錄本

有私於二甲卷手得羅萬化寘第一其卷書法多塗抹

劉珠董又莘

公安劉珠惟明嘉靖丁酉貢士因公車三十六年每下第輒投
執友江陵張太岳詩始知相府深如海不使山人醉似泥又相
府勛名青鬢少故人心事白頭多隆慶辛未科年六十六成進
士珠上太兵詩欲知座主山為壽先看門生雪滿頭
萬曆己丑科睢州董文莘時年七十歷南京大理寺卿年殆九
十視履無恙

館試斥落

正德十二年丁丑進士睢州劉淮考館試卷風吹過五鳳樓南
御河邊尋得楊閣老將卷面批不謹二大字遂不取

冒籍

令甲嚴科場冒籍按宋科場嘗二年一開或四年三年一開天下舉人多就開封府寄應徐節孝先生曰二年一開不若使各路轉運司類試總一路解額解額既廣則人皆便之是可以革寄應之弊也

辨李廷機失中三元

李九我隆慶解元主考瑤泉申少師即留為館賓轉館於歸安董宗伯家癸未李得會元申正當國宜以狀元予之續商文毅之盛乃拔朱養淳國祚第一李居第二有意乎無意乎二公皆清正未可甲乙也朱國棟涌幢小品按癸未廷試申文定以子用懋入試避讀卷則文肅所著殆未之攷也九我賜第後見秀

述鄭三校錄本

水頗快快一日秀水疾九我過候坐榻推窓庭松蟠屈笑曰弟嘗夢歷此景或云功名在是今得之矣名次尤後非豫兆耶自是歡洽無間

省試專遣

萬曆乙酉始遣京官主試各省舊主副俱教職由監試御史所聘藩司提調臬司監臨彌封謄錄受卷官皆有司例得閱墨卷有所識拔簾內未敢違也自朝臣專遣內簾始肅又巡按御史邵梅墩 監試江西令內外簾並用硃卷

楚試不用詞林

萬曆甲午科禮部推湖廣主試翰林院 吏科左給事中葉繼美 上除翰林竟點繼美另用工部主事莊懋華

程策相同

萬曆丁酉科洗馬鄒德溥擬南京主考其寓邸乃霍文炳故居
寤舍若干坎之為巡城御史况上進所劾免官因以所撰策一
道貽南京河南主考俱故人也竟以雷同被給事中劉道亨糾
之南京主考左庶子朱國祚右中允葉向高河南主考尚寶司
卿蔣春芳戶部主事李長庚

割卷偉售

萬曆丙午科山陰監生鄭汝鑛舉順天第四人本僂游選貢馬
顯忠卷割牘倖售事覺監試御史李楠順天府丞題詩顯忠補
額禮部謂無例且末策非其策而止

韓敬

述鄭公校錄本

歸安韓敬嘗師事宣城湯太史賓尹萬曆庚戌湯分考搜鄰房
拔敬會元時方忌湯遂見攻者衆敬免官終身不達彼其才自
足博一第惜以主司累也

劉暹

庚戌分考論德趙師^聖得會稽劉暹卷薦第一主司嫌首義過奇
抑寘第六趙固執不可遂冠乙榜謂來科必元暹終不第言及
輒墮涕

萬曆癸卯江浦趙體敬丙午長洲陳元素俱擬鄉解不果

鄉榜填改

萬曆壬子科四川第六名王應熊悞填周繼昌放榜涉 推
官楊一鵬檢舉御史彭端吾以聞有旨改正繼昌走訴京不許

主試兵部員外郎張應徵大理寺評事陳曰庭各罰俸二月先是戊子八月南場分考當塗知縣德清章嘉禎填榜四十九名詩經荒字十號 悞填春秋荒字十號曹祖正榜出尋檢舉應天府尹張楨等遂未進試錄奏上祖正除名嘉禎奪俸五月詩經卷解部覆閱

巡撫監試

鄉場監試例巡按御史或偶闕如吾浙則改巡益御史萬曆乙卯貴州巡撫都察院右僉都御史張崔鳴代置監試

鬻元

萬曆丙辰會元吳江沈同和係倩筆首義又湯賓尹舊刻也放榜日一蒼頭喜甚即曰吾家中一會元又多一會魁同邑觀榜

述鄭益校錄本

者即拉問爾一家安得兩捷乎即詰責被掠微吐其情亡何事敗并草第六名趙鳴陽長安以骰子戲曰斷么絕六

廷試策失塗注

萬曆己未科會元莊際昌廷試策偶悞筆失塗注不便進呈例任之果第一其後論者謂醪勞不辨之狀元遂回籍讀書蓋忌方相國從哲借評之也崇禎辛未狀元陳于泰策陽陽悞易易榜眼吳偉業策唐之疆騎疆悞驢 上俱手改丁丑會元吳貞啟對策亦悞筆同年包爾庚戲之曰兄又不辨字狀元矣

會試特點同官

天啟壬戌科閣臣推何宗彥顧秉謙主禮閣 上點宗彥忽及朱國祚非所推也顧以是不懌疑秀水有他故後秀水捐館擬

謚文懿朱公子爭之得謚文恪

管紹寧

崇禎戊辰狀元閣擬武進莊應會 上閱卷不懌遽拔其次抽餘卷得管紹寧策內誠字欠一 上問閣臣云何對曰聖意果可點畫何礙 上遂加一 寘第三紹寧因號誠齋

首輔鄉人狀元

辛未狀元宜興陳于泰為首輔周延儒表弟故事會元策另封有二錦衣官問知太倉吳偉業也另封矣閣擬于泰偉業及夏曰瑚第一甲 上如之御前折封首輔高聲曰第一甲第一名陳于泰常州府宜興縣人不覺汗出浹背幸 上不問偉業謁周周曰以吾當國而拔宜興人狀元天下其謂我何又謂于泰

述鄭益校錄本

曰事有不辨而自明有辨之而後明今吾弟首臚雖辨之誰為明我者先是周買陳氏宗宅毀其家廟陳氏攻之寔非有私也于泰倨誕亦不執師弟禮

二甲御書

甲戌二甲第一名李昌系 上硃筆益昂甲御書餘閣臣定之時首擬武進陳組綬宜興吳國華次之 上不懌嘉善錢相國搜卷得杞縣劉理順條對詳瞻但多訛字

廢卷騰聲

崇禎丙子南場分考尹民興聞廢卷簾中有敔即檢閱仍不錄其聲加沸再檢再廢簾聲如初忽卷躍簾外尹異而拔之則無錫高世泰也見世泰問其何德世泰無對同年包爾庚問之曰

向不二色

程策之誤

崇禎丁丑會試程策有云世宗之時外有火篩俺答之內有
鄧茂七劉六劉七之寇夫火篩在成化時鄧茂七在正統末劉
在正德中誤甚

丁丑鼎甲

崇禎丁丑廷試閣擬海寧陳之遴無錫高世泰廣昌劉大年前
列常熟趙士春吉水劉同升則二甲及讀之遴卷上不一
語讀大年卷色忤讀同升卷云 陛下何負於諸臣哉諸臣負
陛下下耳 上善之拔第一次之遴士春二甲首世泰

馮士驛

述鄭公校錄本

吳縣馮士驛善春秋屢困場屋貢禮部宜選司理崇禎乙亥或
勸之應北闈果豫薦丁丑有孝廉來候知其馮姓曰足下今年
必第矣叩之曰吾三年前寓此舍夢有人推我去云此馮進士
寓所也足下適合之矣果成進士

萬年曆

崇禎庚辰科 上常閱萬年曆相傳姜太公著唐李淳風注每
朝各四句 本朝末句 魏蘇困 注魏氏蘇其困也
廷試後召對諸貢士通州魏藻德敷奏稱旨拔尋一第超拜
相 藻德初名 嘗有鬼自後呼之曰藻德因改名

南闈謠

崇禎壬午應天榜宦室七十餘人謠曰不要古文不要時文只

要松文不用孔子不用孟子但用公子是年相傳此榜後不復
試士果然

馮元颺

癸未進士慈谿馮元颺被召對上曰天津巡撫於爾何人曰
胞兄也又問五經中者爾何人曰臣胞弟

主考官

兩京主考惟順天主考賜宴本府會試主考賜宴禮部

進士歸娶

洪武十八年乙丑科探花仁和花綸

永樂己丑科榜眼定遠苗衷年十九

永樂乙未科探花閩縣陳景著年十八

述鄭公校錄本

正統乙丑科吳縣劉昌長寧周洪謨

正統戊辰科榜眼長洲陳鑑年三十四平越黃紱懷安謝琚博

野劉吉襄陵邢讓俱年長

景泰辛未科繁昌吳琛年二十七

成化丁未科狀元鉛山費宏年二十

弘治壬戌科海寧許元奎年三十信陽何景明年十九

弘治乙丑科

正德戊辰科探花莆田戴大賓年二十丹徒唐鵬信陽戴冠弘

農王言

正德丁丑科探花南海倫以訓年二十

嘉靖癸未科探花華亭徐階年二十一涇陽泰世顯錢塘孫繼

魯

嘉靖丙戌科會元趙時春年二十

嘉靖己丑科荆門羅博晉江蔡克廉梁懷仁歙縣程尚寧鄞縣

陳束

嘉靖乙未科晉江周天佐渭南薛騰蛟浦城周鳳岐

嘉靖戊戌科南海馬拯盧夢陽興化陳應魁莆田林茂植豐城

杜拯濟南張潛餘干李春芳

嘉靖癸丑科曲周楊一鶚峨眉苟延唐龍游陸瓚

隆慶辛未科慈谿孫成名錢若賡高平劉虞夔

萬曆丁丑科平湖陳泰來

萬曆庚辰科南靖吳宗熹番禺謝與思

述鄭益校錄本

萬曆癸未科永春李開藩

萬曆己丑科定襄傅新德晉江林欲棟同安蔡復一漳浦吳案

萬曆乙未科羅山劉尚朴江陵朱光祚臨晉荆養喬

萬曆戊戌科成安王家瑞晉江林喬相進士歸娶容攷某科

萬曆辛丑科象山史起龍

萬曆甲辰科南海李待問

萬曆庚戌科昆明傅宗龍東陽趙明欽

萬曆癸丑科狀元宜興周延儒

萬曆丙辰科德清蔡奕琛

萬曆己未科武昌彭祖壽

崇禎戊辰科宛平金鉉

崇禎辛未科榜眼太倉吳偉業

解元未娶

吉水解 縉年十七

淳安商 輅年二十

吳縣劉 昌年十九

長寧周洪謨 年二十六

全州蔣 冕年十五

慶陽李夢陽 年十八

南海馬 極年十七

銅陵余毅 年十七

定襄傅新德 年十七

浙川全 燧 年十九

宗室進士

宗室鄉舉始天啟辛酉科

宗室進士始天啟壬戌科 朱慎鑿

崇禎戊辰科新建朱統鈞 列輔國中尉 選林翰林庶吉士改中

述鄭益校錄本

書舍人給假三年奏復館員歷國子祭酒

甲戌科新建朱統銍 初名寶符 侯輔國中尉

華陽朱奉鈿 初名鈿 皆庶名未請名至是改登玉牒 奉鈿侯奉

國中尉

丁丑科新建朱統鑽 輔國中尉

澤州朱統鰥 輔國中尉

庚辰科祥符朱朝壘

癸未科南昌朱議汴 原封輔國中尉

南昌朱統鎬

稷山朱鼎婆

陽城朱廷壻

兄弟同進士榜異姓

萬曆丁未科進士江寧徐鳳彩余大成同胞兄弟大成出繼外祖余氏

進士同姓名

永樂乙未科兩葉恕

宣德唐戌科兩王復

正統丙辰科兩李春葉景壽

正統戊辰科兩張瑄

正統辛未科兩楊瑄劉璋

天順丁丑科兩王道

成化丙戌科兩徐森

述鄭公校錄本

成化己丑科兩鄭宏

成化壬辰科兩洪漢

成化甲辰科兩王溥

弘治癸丑科兩曹瓊

弘治丙辰科兩王言

弘治壬戌科兩魯鐸

正德辛未科兩王璽

正德辛巳科兩王朝用

正德丁丑科三張淮

嘉靖丙戌科兩張守約

嘉靖壬辰科兩高節

嘉靖戊戌科兩章煥

嘉靖辛丑科兩陳善

嘉靖乙丑科兩陳王道王三錫李學詩

萬曆丁丑科兩楊起元

萬曆甲辰科兩張銓一大名人永樂 司叅政一沁水人以

御史殉遠俱乙亥正月二十八日生科第子女皆同亦一奇也

叅政前守兗州有登岱詩後姜士望使君重沁水勒詩於石不

知其悞

崇禎丁丑科兩陸自巖

崇禎癸未科兩王曰俞

武生進士

述鄭益校錄本

工部尚書劉麟廣西按察副使楊成俱武生第進士

進士異任 附鄉舉

松楊王景科進士

程宗官翰林編修

成縉官

俱閣為內侍

成化壬辰科進士 黃謙官工部主事削籍善醫後除太

醫院判

成化辛丑科進士江寧梅純以定遠知縣免歸改籍孝陵衛指

揮使歷中都副留守

隆慶辛未科進士宋儒以貴州土官子冒籍定州選庶吉士改

禮部主事坐免襲麻哈州土同知

天啟乙丑進士安岳張任學以監察御史巡按河南求改武階

討賊遂改 軍都督府署都督僉事河南總兵官

建文元年河南解元祥符張信以兵部右侍郎改錦衣衛指揮

同知終四川都指揮使

景泰元年山西貢士澤州侯爵以父璉征苗功襲錦衣衛正千

戶

成化 貢士王宣襲武功左衛指揮僉事

弘治己酉福建貢士楊瑛以虹縣訓導襲汀洲衛指揮同知

四川貢士青神余寘以父子俊軍功襲錦衣衛正千

戶

隆慶元年丁卯福建貢士蔡夢說龍巖所 千戶

又閩縣林觀事 文皇於潛邸累功至錦衣衛都指揮僉事嘉

述鄭益校錄本

其篤實命署禮部郎中奉使朝鮮 仁宗即位勅鎮陝西宣德

初名還仍掌衛事以金吾署文部尤奇

重舉鄉榜

洪武癸酉科吉水曾秩舉江西鎖榜同輩誚之改名高乙酉又

儒士登科矢志不仕

永樂六年候官鄭瑛以儒士薦應天癸未進士坐違例謫武當

山督後至十五年丁酉復薦湖廣

景泰四年順天解元羅陵廬崇嶽冒香河籍被革丙子復舉江

西丁丑進士歷兵部郎中

仁和汪諧竄籍順天舉景泰癸酉科被革還浙舉 成

進士歷禮部 侍郎

會稽陶大順竄籍順天舉嘉靖癸卯被革重舉浙江戊午科成進士歷副都御史

萬曆乙酉科北榜餘姚胡正道冒籍革辛卯改王國昌舉南榜官鄞縣教諭

又洪武三年詔開科內云仕宦已入流品及曾於前元登科并曾仕宦者不應許試而是年福建鄉榜閩縣陳信林文壽並元進士再中式信之懷安學文壽長樂學建文元年福建鄉魁第二人莆田林泰元閩縣知縣夫建文初扞詔容有之開國始事不應阻格殆不可曉

優免廩生

舊制廩生斥退者仍追廩米甚苦之成化九年北京提學御史

述鄭三校錄本

閻禹錫引考察斥官為比免追從之

莆田科甲之盛

莆田自洪武庚戌至嘉靖戊子凡五十二科鄉舉千一百一十一人甲榜三百二十四人狀元二人探花四人會元一人解元二十五人宋時進士九百七十餘人諸科特奏名凡六百四十餘人大魁五人宰輔六人

原始

鄉報急足始嘉靖 其昔舉子自備青袍後官給不知所自選歷科程墨始萬曆庚辰錢塘錢穀穀號豐寰膺貢官曲靖知府 會試房剡始萬曆壬辰

臚傳

鼎甲臚傳訖出長安左門京兆侯迎謝恩畢宴堂上南向京兆兆北向席特盛用太常樂仍謝恩出京兆送歸私第茶別狀元同鄉宦京朝者例邀京兆讌之榜眼探花不預故事御批一甲三人卷用玉管筆拆卷在中極殿在

庶吉士到院閣臣送入錦衣衛寘宴亦太常樂

程錄稱臣

鄉會試錄序皆稱臣外省則否以兩京輦下外省則考官所自序也萬曆初上摘此以問閣臣欲罪之江陵具言其故乃止後各省錄序皆稱臣

六預鄉房

武昌教授陳觀子瀾永樂丁酉應天分考癸卯及宣德丙午預

述鄭公校錄本

考江西福建調荊州又預考江西福建正德辛酉又分考應天凡六預鄉試

三氏學

國初立孔顏孟三氏學設教授司教授一學錄一學錄即孔氏裔為之正統甲子始命宗生聽學使考入棘成化元年許三年貢太學

學宮祀顏子

兗州滋陽縣儒學祀宗聖顏子之神與天下各學不同陋巷志

廣文變例

天啟丁卯杭州府教授饒曰梧求許偕教授從九品例不會試曰梧謂初受秩吏部給遞現在也上官不能奪會被刺去

崇禎癸未八月許應天府教授晉江何九雲會試俄登第

補榜

崇禎庚午浙榜仁和尚觀法法字填補向未有也初潘生館尚
氏冒姓尚觀升補諸生是年同雋主考黃道周嫌其昆季以觀
升改觀法觀升去走訢京師觀法除名先是隆慶唐午山陰諸葛
一鳴讀書山中見人展一牘云天榜也問以己名曰爾在下科
一鳴求增入許焚楮幣虔謝果秋捷謂前事誕不足信又計偕
見前人曰若累我蒙譴矣一鳴不聽禮闈懷挾被革事相去一
甲子邊相類觀升少年誕肆屢困有司遂悒悒不自得以死

進士

進士不可太少不可過多太少則雄州劇邑不能克而無所彈

述鄭益校錄本

歷過多則不相貴盛而塞舉貢之路嘗見鄒亭如著議以為甲
乙不甚相遠請每歲鄉試計偕即奉廷對間擇其甚淺鮮無當
者置之使仍就鄉試而其存者即盡以甲次授之官庶幾用其
盛銳之力不使疲精神於帖括無用之技且使上不以資格待
士而彰瘁明士不以資格自負自泥而驕怠不作又可以省公
車數萬之費其論博矣然士子學有淺深才有高下譬諸草木
區以別矣甲科之設所以廣厲鼓舞使天下之士精進勉力而
不能自己前人立此良有深意周禮命鄉論秀士升之司徒曰
選士司徒論選士之秀者而升之學曰俊士曰造士大學正論
選士之秀者以告于王而升諸司馬曰進士王者豈故為是煩
縟哉重爵祿辨官才如不得已用人之道也士取其秀豈專盛

銳哉今之諸生即秀士也應舉者即選士也舉於鄉者即俊士也進士即升諸司馬者也進士之名来自成周定自祖宗惡能廢諸盍請以後會試每房取正榜十人再取乙榜二十人正榜合之一百八十人乙榜合之三百六十人正榜則上親試而分三甲仍照資選乙榜則請以六十人任州以二百人任縣以百人為博士長其京官則盡以陞任不以初除凡棟選就教等項一切除去舉人五科不第皆不得再就試乙榜有不願就者錮之終身此法比之孚如所議庶幾不甚扞格馮時可

先正流聞

宋濂攻苦

述鄭益校錄本

宋潛溪先生集有送東陽馬生序云自幼嗜學家貧無書每假借藏書家手自筆錄天大寒研水堅手指不能屈伸弗之怠錄畢走送不敢逾約既冠趨百里外從鄉先達執經問道先達德隆望尊門弟子填屋室立侍左右俛身傾耳或過其叱詫色愈恭不敢出一言俟其欣悅則又請當其從師負篋曳履深山巨谷中窮冬烈風雪深數尺足膚皸裂不知也至舍四肢僵勑媵人持湯沃灌以衾擁覆久乃和寓逆旅主人日再食無滋味之享同舍生皆被綺繡戴朱纓寶飾之帽腰白玉之環左佩刀右佩容臭煇若神人而已緼袍敝衣處其間無忤色云噫先生攻若如此讀一過寸陰勤渠凜凜在目

周壽誼人瑞

高皇帝召耆老謁見崑山周壽誼居首年百十六歲賜宴及鈔幣按壽誼生于宋而鄉飲于洪武六年其六世孫震正德中令鄱陽出人瑞卷士大夫題咏盈尺上海陸子淵先生深以編修使饒跋其卷曰三代而下惟宋失天下為無罪惟元興最為事變嗟乎能夷人數百年宗社於強弓健馬之間而不能禁一老坐觀其子孫之後覩天日何其快也若壽誼公之壽足以繫興亡之故豈淺鮮哉且手挈華夏之禮以還華夏之主於克華夏之日何其奇也公六世孫震字世亨以名進士筮仕鄱陽令嚮往未艾是能輔昆華夏之道以昌公之世者則又不獨為壽而已矣世亨其懋之哉

唐伯逸

述鄭公校錄本

南昌監生唐伯逸洪武七年任儒居典史嘗謂取民財如取鷺鷥股上肉誠心愛民一塵不滓仙居縣志

鄒傑復姓

洪武九年六月 科給事中鄒傑於東閣奏臣祖孫福謙陝人也出守嘉興元亂航海舉家溺于登州臣附餘板得活傭於登人鄒義時年十四養為子冒其姓今貢成均進用乞復姓孫氏許之諭母忘鄒氏

賈魯亦佛

廣西宜山賈魯洪武辛卯貢士授崖州學正改瀘州性不喜浮屠訓子緇約革皆儒業諭以沒後當依家禮母作佛事否則必禍汝後魯卒子迫於姻黨召僧設齋事訖焚楮忽飛烟焚其室

逯宏言事

錢塘逯宏弱冠時以郡諸生言時政得失 上說之試秋柳賦
稱旨賜歸後選貢終松江訓導錢塘縣志

周魯章簞笠

新喻周魯章文瞻洪武末舉明經召為選部主事不就 上賜
簞笠令歸教民稼穡因號明農隱逸臨江府志

蔡新童婢

崇德蔡新父為人醜死新誓報奮擊之下獄十三年家童阿小
年十五禿髮稍識書籲天求白主寃積麪作餌携之乞食至京
擊登聞鼓歷十三疏始得白初阿小北忝家僕婢二人謀逸婢

述鄭公校錄本

攘臂曰主母梵梵恃吾二人若可忝吾當終事之日刈草二百
斤半供紡半曝之待風雨即孝女不啻也永樂癸卯新舉於鄉
官臨淄令厚贍其婢年至九十二崇德縣志

徐樞

松江徐樞叔拱太醫院判宣德元年省墓 上聞其老詔出宮
人陳氏偕內官陳福袁亨給事明年致仕後沒三人皆從葬

于謙

于少保有寄內弟書云薄俸五錢
地師某云少保祖墓當奇貴不可言少保即馳書其子令遷葬
另一緘俟遷葬訖啟視子冕得書移葬如命始啟緘則述地師
事也不半載遭禍今書稿藏於家張元咭說

李秉夢迎駕詩

土木之難李襄敏從征脫歸進戶部郎中夜夢作詩送揚鴻臚
善迎駕天恩寵渥作益梅迎復 上皇出紫臺群 潛踪歸朔
漠六龍回駕入蓬萊明日以語同官次年八月而驗 曹縣志

尹恂 尹直兄

尹相國文和 直作兄恂墓誌銘云以靖州衛吏任順天湯山州
蕩大使廣東迴岐巡簡司巡簡成化元年正月十六日禦 死
夫尹氏歷城人吏賤役必遠隸靖州又最下秩且戰沒不求卹
先輩雖穹貴於戚屬無私厚其戚屬亦無望其私如此今終入
科第戚屬借粟監例貢輒思丞倅京幕羞以吏進矣故錄之以
存古道

述鄭公校錄本

楊瑄

浙江按察使豐城楊瑄成化中築海鹽捍海塘堅壯有碑不存
邑人仇俊卿曰昔呂梁碑磨泐可認者止三十六字人皆惜之
想見禹功而楊公之勒一字無存感更為深自不能泯當知繫
人心者不在碑之有無萬曆乙亥僉事晉江陳詔來修塘入楊
公祠不揖背像而坐亡何詔口作公語云我堂官也汝敢無禮
我將殺汝尋疾作禱之始愈 海鹽縣志

王恕

王端毅冢宰日有御史李興巡按閩中酷刑殺人至三原斥公
名而詈之後罪人多罪當大辟又御史韓雍值點郊齊入部堂
中道呼公名時議輕薄當斥公奏興雖酷無私可免雍直而有

才可起遷浞之崔銑洹詞

端毅配蓋夫人繼張氏文氏並贈一品夫人按成化四年南京御史楊智等劾南京刑部右侍郎王恕不顧名節託本部郎中黃紱娶故劉指揮妻文氏為繼室云云夫以端毅之賢言動不苟臺杆風聞斷不足信

王存忠

仙居王存忠成化丁未進士歷御史知府無錢市靴詩云分付兇曹休指望好將芒履印蒼苔其清苦如此仙居縣志

楊守陳故宅

楊文彛故宅在鄞縣南二十里鏡川初未登仕至公兄弟俱顯按籍蓋七人有野叟獻詩曰昔年曾向此中過門巷幽栖長薛

述鄭公校錄本

羅令祖先生方振鐸賢孫學士未登科將軍曹氏墳連龍土賣酒王婆隔店河今日重看新第宅烟波緩掉聽絃歌公嗟賞不已謂叟曰此詩誠吾家傳也當珍藏以貽後人欲厚幣酬之叟固辭而去

楊循吉定論

楊南峰先生作子胥鞭屍論夜聞山中鬼哭曰腕可斷筆不可改

包德懷嫁友人女

蘭谿通判鄭瓘温卿記鄉先達包侍郎德懷在京與同鄉胡主事文善主事疾革往訣主事止一女以託侍郎曰諾既主事與妻相繼沒於京即侍郎抱歸其女囑其妻育之如己女後女長

擇婿祝氏將嫁侍郎居與主事相去二十里其故宅猶在乃先
令人以竹簾分隔其廳事為三間已處左妻與女處右中設主
事神位至日備祭告嫁事命女拜已侍郎長號慟哭然後行聘
遣嫁奩具皆備 金華府志

周廷芳

蘭州周廷芳小泉守墩卒也一日讀大學有悟遂究五經篤信
力行恭順候吳

節高峻言不空發

呂涇野集

周鑿鑑

周鑑字孔明麻城人正統乙丑進士授御史出接江西有大學
士陳循子不汰鑑論之死遷雲南副使九年不遷鑑所至汰墨

述鄭益校錄本

理枉仍聞寶泉壩積水溉田多至數萬頃後考績入京行江中
舟覆幸亡恙陞山東按察使致仕還鄉人布政李正芳僉事董
應軫並有雅望邑令立耆老堂凡大事輒咨此三人也

陳恪永清玉潔

歸安陳大理恪以方伯家居歲歛饘粥不給薦者謂永清玉潔
孝宗題此四字御屏

邵寶絕巫

無錫邵寶國賢知許州弘治癸丑五月鄭州某鎮地陷若干丈
水溢民爭攘之六月許州小趙鎮有巫言龍骨出土中誑言禍
福邵以感衆毀其骨督學江西携試牘歸家久而紙蔽穴地瘞
之

吳翰詞

吳翰詞字子修應山人嘉靖庚戌進士知東陽縣清約節愛不附權勢民愛之拜御史任事不避艱險按雲南風采卓然當是時嚴嵩勢張甚御史報命不勝賂翰詞遂乞告杜門結友性耿介方直一介不苟燕居整肅宗人亦不敢近舊居數椽比卒斂以散緡今東陽雲南皆有祠

潘墳

淮安潘中丞墳

丁卯舉於鄉郡守趙公俊書聯取功名富

貴屬對墳舅氏少司寇虛齋葉贊過而見之歎曰纔出門便教以功名富貴墳聞教竦服

蔣信

述鄭公校錄本

蔣信字卿實武陵人諸生時貧甚郡守憐之令捧詔屬邑例得津贈信卻之王守仁龍場之謫道武陵從學然自有所見不盡主其說貢南雍祭酒湛若水俾主諸生教事嘉靖戊子舉南榜壬辰進登士歷官兵部員外郎四川僉事貴州提學副使以征苗奉檄即往湖北議兵餉及不辭御史謂擅離職削籍歸不問生產闢桃園精舍與郡中子弟講業其教人大抵主慎獨篤倫修行明理通世務在挑岡十八年年七十七卒臨終賦詩歸去苑岡十八年歌游多在萬桃間萬桃於我浮雲耳願借西風吹上天投筆而逝世稱道林先生所著粹言若干卷

劉大夏格言

劉尚書東山先生曰財貨湏務農服賈力得者獲用其餘易

致之物終非已有子孫視之亦不甚惜况官貨悖入者乎

李東陽佑歌

李西涯飲陳都憲德卿魯司業振之邛太常國賢崔郎中世興何郎中子元等酒半李曰國賢吳人振之楚人聞皆善歌歌以相和可乎遂出近詩數十首俾歌之 陽春堂集

陳察御史騎驢

常熟陳察明遠任御史按蜀乘驢布按皆跨馬減其駒從按御史出巡舊騎馬後乘輿不知起于何時或成化後事浙有舉子王化大帽見按臺某某呵之問所起對曰即起於大人乘轎之年

魏庠廳旁塚

述鄭公校錄本

崑山魏庠子秀納贖任光祿寺典簿其廳寺旁有荒塚邑令郭楠造而問故對曰其子孫欲售之久矣予之直彼不以治生而棄骨于水火故寧存之令嘆曰杜氏之墓在西階古人之義也不意今日復逢於君咨嗟良久而去 歸有光集

清吏張守約

張守約字彥博岳州人嘉靖丙戌進士知華陽縣歷崇德遷南評事寺正擢知淮安淮安素難治守約遣孥歸單車携二蒼頭之任闢園植蔬自奉儉約禁絕官市常俸貯之帑間出以賑困乏性巖峻蓄家人少思二蒼頭日啖脫粟數合鷄衣拮据憤恚不得逸一日乘守約寢刺殺之僚吏聞變急來視守約息僅屬瞑目語之故遂死檢所遺惟二敝篋篋中書數束敝裘數龍衣而

已衾縛帷幄咸綴浣汙裂靡堪御者二蒼頭竟伏法

朱良育不受封

吳縣朱良育績學不第膺歲貢士鴻漸進士官主事貤封不受竟明經沒

杜了翁言行

廬山老儒杜了翁 曰道在論語言忠信行篤敬求之四十年未有得或曰道豈言行盡耶曰言行君子所以動天地也若外言行而講道吾不願聞時王陽明先生倡學東南了翁不至

熊鳳文不踴選司

熊鳳文以 推官行取不踴選司太宰許進曰推官能不誦滕文選令為御史肯畏強禦乎竟拜御史

述鄭公校錄本

桑桂移風社

平涼桑桂成化 一貢士官大名通判廉靜好古與同邑彭會趙天錫倡移風社序曰平涼山水秀拔人習淳朴業惟耕讀確有古風比年喪亂不古俗信浮屠誑惑於始死及七七日期年除喪飯僧道作水陸大會寫經造像云為死者減罪生天受諸快樂不為者必受地獄剉燒春磨受無邊苦是以貧者弗獲慎終惟備神馬楮幣齋粳蔬果經資之費力不能逮則淺土經年虫蠹鼠穿富者忘哀作樂談經餽金飾備器務為繁勝傾家破產迷惑不悟殊不知生含血氣知痛癢剪爪剃髮而灼刈之已不知若苦死乃離形腐於黃壤與木石等神則飄若風灰剉剉燒春磨將安施乎然浮屠所謂天堂地獄者蓋以勸善懲惡

耳世人親死而禱浮屠是不以親為君子而例視為積惡有罪之小人何待親之薄耶縱使其親積惡有罪豈賂浮屠所能免乎此則智者所共知而愚夫滔々奉信風靡無已桂等生長是邦讀聖賢書浩歎頽風思與易之相為立禮社名曰移風嗚嗚呼風不可移也所不可移者人心耳人心雖為頽俗所染而天理之在人心終有不能泯者能以吾心之天感彼之天則澆必轉淳邪可變正曾謂風不可移哉凡我同志敦崇禮誼毋懷彼此毋間嫌隙凡遇鄉鄰朋儕之喪務為天理開導法語匡直斷以朱文公禮制為準熄佛老尚哀戚貧者喻以義富貴制以禮其間古今異宜斟酌輕重一求合乎中正黜勉戮力人心忻動舉知為美始而正一家之風終而正一國之風何患禮之不復古

述鄭公校錄本

哉雖然士君子立身進則有功於君退則有功於民奚獨喪禮耶患難相助疾病相扶道義相尚志行相勵過失相規使行業齊于古人芳聲耀乎當時而天下之風亦可移矣夫子勗哉

韓昌

韓昌洪洞人世醫昌精其術不計賞施藥先貧後富嘗見御者卧道中憐之診其脉傷寒為移煥室藥之汗愈乃行資以粥米洪武初避兵岳陽山中遇異人授以秘術遇疾不俟診視望之而決生死時稱神醫孫肅七歲誤吞針釘昌曰此兒不死母憂也三年而出他日且生貴子後釘果從脇下出已生文官戶部尚書

毛中丞里居

陽信毛海隅先生思義以南京督儲都御史致仕呂涇野先生
問公歸邑居乎曰然茆屋數間對縣學呂曰久宦何尚茆屋
曰自官主事來俸餘一二十金歷三十年婚子四嫁女二又親
喪久外未治室也呂曰公歸亦何樂曰予師張先生尚健友人
董某姻家王某並尚在與割雞漉酒以熙餘生耳

涇野集

景暘孝感

上元景司業伯時暘母陸太安人晚瞽數年所至求醫卒得金
針於京師復明昔庭萱倏大如杯初司業涕泣樹萱曰萱花母
療三年不花至是花結

胡松抄書

滁州胡伯泉太宰少貧無事書時時借抄手輯名臣奏疏置枕

述鄭公校錄本

曰經理天下在是矣

鄭慶祛蝗

嘉靖九年進士長樂鄭慶有章知滁州夏至滁及秧有蝗自西
北來蔽天日丘陵墳衍麻沸所至禾黍輒殫民男婦奔競蔽野
君簡勤敏吏民十數輩部分之令各詣蝗所打捕張幟縱金舉
火開塹又嚴為禁防俾弗擾蝗為衰其冬下令國中曰蝗善滋
土必遺種茲不掘害將何極其發子母俾流毒於我茲土得亡
算明年蝻果生息至蕃徧野復令歐捕如往年法加密諸庶人
在官者悉罷遣如初僅留門子一人侍又下教曰有能捕蝻斗
者官與穀五升石者與五斗以是人爭捕得蝻數百石蝗倍屢
種幾殄絕有秋當其時雖不能微怨謾而潛膏隱澤其被與要

不斟矣滁州志。談遷曰崇禎辛巳嘉興亦募民捕蝗與穀竟

嘉靖丙午延津大蝗有司遣人捕之廩生周官恐人不盡力乃
自白於人有能捕蝗一石者即與錢百文人爭捕之不旬日以
錢百千買蝗千石邑境蝗不為灾延津縣志

王勅雲母

歷城王祭酒竹泉勅少得道術督學河南試諸生見白雲出山
急遣人十數里外視雲落處掘得白石如雪歸切片煮為腐甘
美非常味曰此雲母也

徐階論士

徐文貞公曰欲觀士大夫名節但不聯姻富室不接衽山人便
是端莊之士馮元成集

述鄭公校錄本

林思承致仕

莆田林思承官淮安同知致仕所親止之曰公旦夕金紫矣思
承曰心苟知止一命有餘若其無窮三公不足

唐樞

歸安唐樞一菴先生論博施於民而能濟衆重能字蓋人亦有
施而不能者政不善也

今人但知穎子不校難及不知一犯字學他不來弟子請曰何
謂也曰穎子持已應物決不得罪於人故人有不是加他方說
得犯若我輩人有不是加他必是自取所謂夫人必自侮然後
人侮之也何曾是犯我輩未須學不較須先學他犯字李樂見
聞雜記

唐順之

唐荆川先生論易爻有吉凶大象獨言吉此聖人示人直入聖道路也

高拱知人

高中玄相國署吏部日戊辰進士選秀水沈思孝等八人令廣東俱目矚得之並歷侍郎其一中丞

沈繼山先生說

張尚書學顏僉事時賫捧入都相國一見喜曰今日得一督撫矣

錢御冷說

張居正急才

張太岳編修時本院公譙演千金傳奇至蕭何追信凝視久之同列以專注語之荅曰君臣將相遇合之難如此毋得草草蓋江陵意自有在非同戲語

述鄭公校錄本

山陰吳允環洲出高文襄之門以器識見重時輒諮訪呼為吳學究蓋水滸傳中智多星也俺荅孽孫那吉初降文襄議同江陵以問允荅曰可受之有喻於此如麵二石作一大饅頭須大釜大籠文襄意遂決後文襄罷江陵盡斥其黨獨允不廢或媚江陵刺及允江陵曰吾固悉之但難其代累遷少司馬而速把亥擾薊鎮江陵語冢宰為我致吳環洲能出鎮乎允聞之曰某効塞上久犬馬猶暫息之相公猶未忘我耶江陵得報曰否否此原環洲意可再質之冢宰告允允謝曰往疏雖及此第薊鎮戚繼光遼鎮李成梁兩大師未易節制須尚書銜江陵曰不可第往勿憂不尚書也允出鎮薊遼事定果進尚書終江陵允無纖芥之嫌

錢御冷相國說

浙江缺督學選司以某人擬江陵弗肯選司卻席請問曰其
泌沁水劉東星乎東星在浙藻鑑得名歷總河工部尚書張藐
山先生說

徐階李春芳陸樹聲

青浦慧日寺落成少師徐存齋階做東坡解帶事奉世廟所

賜蟒衣一襲付僧圓實留鎮山門因賦一絕單衣露冷宿曇華

悞縮宮袍傍帝車拈向山門君莫笑細看還是舊袈裟萬曆丁

酉大宗伯陸平泉樹聲年八十有九出衲衣一襲手書偈曰解

組歸來萬慮捐盡將身世付安禪披來戒衲渾無事不向歌姬

為乞緣嘉靖丙午李文定春芳將入秋闈宿句容寺題壁年

年山寺聽鳴鐘匹馬西風憶遠公他日定須留玉帶題詩未可

述鄭益校錄本

着紗籠及入相歸解玉帶留鎮

姚洪謨迎母

秀水姚少宰少孤母改適登第後迎養於家

袁洪愈貧宦

長洲袁安節清介絕俗雖善啖貧不屬饜每市蜆佐酒可竟斗
許門生嘗餉千金輒三分之袖其一乘月步贈窮交其貧多繇
此訪王元美留竟夕俄接家報中嘆元美問之方負進二十金
見迫即代償之以盡其歡後南太宰荐元美自代元美起南少
司馬嘗戲曰吾生平此二十金用得著喻叔虞說

余有丁家祭

鄞縣余相國文敏父永麟幼穉時育於小江里余氏後鄉舉歷

蘇州通判生文敏既貴當贈三代莫知所自出不得已贈永麟
所後父惻惻父鐘而命子孫家祭自蘇州公始禮因義起也
文敏少從宦蘇州慕崑山歸有光名將師之不果嘉靖乙丑文
敏以編修分闈拔有光第二

沈思孝在戍

萬曆丁丑沈比部純父劾江陵奪情戍神電衛游某山剝蘇見
石刻翠巖亭三字旁題謫仙三百載此樂有誰傳鐫宋某年月
日因推今日正三百年也巡臺徐時可欲辱之示期閱武純父
短後衣橫矛踞罵於演武堂遂不至總督臨武劉堯誨檄高州
同知劉石令以戍見純父應後中道止之環台時總督長樂陳
瑞得報方啜茗失甌碎地責中軍曰城內有謫臣何不我告亟

述鄭益校錄本

通幣起居且致賀必求面純父得不行不迫往遣蒼頭報謝賜
茶中堂語次泣下姚叔祥說

戚繼光

戚少保鎮薊門駐三屯營最久經畫周詳有祠總兵尤繼先之
任不拜祠 除夕公庫灾獨題梁又銀牌存牌重五兩題梁
年月少保所記也繼先歎戚公神人刑牲以祭

馮少墟規鄒南臯

鄒南臯元標居鄉好言事操月旦長安馮少墟先生嘗戒之絕
不與聞一事

申時行李廷机薄殯

吳縣申文定相國捐館囑其子太僕用懋曰先人殯並非川木

勿貽我媿

晉江李文節相國捐館門人蔡太守善繼議用川木李夫人曰相公一生清節囑身後棺止直六兩不敢背其治命

李庭機鳩工

李文節宗伯時語李湘洲祭酒

騰芳

曰國家工役切莫先佑計

佑計皆內相大臣為政彼但索已索故一倍至二三十倍吾不先佑計且孟浪起工彼雖日有所需然不能計成數多少工止而彼散矣更無積聚錢俟彼分贓

趙大華

萊州趙大華任鄆陵令邑民以不紡績大華勸諭夜行潛聽有紡織聲以良民勤紡四字識之次日呼至賞棉花五斤自此得

述鄭公校錄本

紡之利及今永賴

李騰芳

李湘洲曰每見士大夫一捐館舍其子弟往往向人稱外侮人亦為之傷世態之炎涼歎人情之惡薄予以為不然君子生則人敬汲則人思彼寂寞於生前而榮華於身後為人尸祝俎豆者何人哉人必自侮然後人侮之向使恃位挾勢欺凌侵奪人無奈何直待其子孫方與覆筭此所謂倍出倍入出爾反爾而稱外侮非矣

張臣感慟

麻城梅衡湘中丞國損筮仕固安總兵張臣過邑彼宿將逐虜棒槌崖殪數千人時絕其冒功公獨加敬張驚問荅曰棒槌崖

之捷從來未有我敬子以天下豪杰非以其官也張不覺大哭
伏地嘆曰某血戰一生天子不知大臣不錄今公獨知某雖
即刻死公前不恨

王汝訓散貨

王侍郎弘陽本富室以父防盜晨夕不安勸散其貨於親故十
去其五父得夜息侍郎後益貧授徒里中自給室不能牖填輪
通照農具雜陳了無官緒 張藐山先生說

唐文獻

上海唐抑所先生署翰林院篆沈四明當國移檄求印輒稽之
雖四明不快然無以奪也內計時有所去留並未嘗請命錢御
冷相國說

述鄭公校錄本

唐謚文恪所謂易名之典仍犯其名何也宜如陳莊靖 文例易
之

陳滄孝紋

淳安諸生陳滄父性嚴事之甚謹廬墓三載奉庶母如嫡撫庶
弟孤姪晚歲手紋成孝字山陰王思任題孝紋堂

顧憲成寡欲

無錫顧涇陽先生少時讀養心莫善於寡欲反之寡欲莫善於
養心最有味

衛一鳳辟狐

陽城衛桐陽大司馬前守青州有樂婦崇於狐聞鼓聲堂上曰
尚書正人也義不敢近

鄭繼之

襄陽鄭鳴峴太宰留意品鑒典銓時殆八旬於士流素履口誦不爽

彭應參

萬曆甲午光山彭侍御按浙風裁峻厲不畏強禦烏程董尚書份
范祭酒應期並怙勢扞網繩其悍奴范至自經董噉其婦吳氏訢於朝詔逮侍御後放歸

詹景鳳

詹中岳任南京吏部司務凡部曹謁總憲私第例趨左門惟銓即於儀門外延於別館詹謁右都御史海公瑞獨拱立直馳中道抵門躋閭而言曰敝曹統領縉紳關左右門以奔走人而奔

述鄭公校錄本

走人左右門如體統何其後復徇海公事詹切責之

許弘綱責子

東陽許少薇總憲還里鄉人送柴問之云例也召責其子私權杖之

葉向高講學

葉臺山相國見鄒南阜先生論學曰公講孔孟子只講閻羅王鄒問其故曰不佞老矣填溝壑之日近苟有欺君悞國傷人害物招權納賄賄等事於閻羅王殿前勘對不過者皆不敢為鄒笑而是之

李九我相國晚戒文筆福清欲效之李曰子效我殊難我面嚴冷人不敢強子面善無以謝其求也力不能兼可廢詩耳

吳道南

崇仁吳文定相國語嘉善錢太史士升曰若初入詞林須記三事不擬試目不受門生不出游廐保名節

竇子偁

竇子偁可揚按察兩浙剛毅敏決雖婦孺知其名遷右轄以御史沁水孫居相薦之時方指居相東林黨魁也歷官守法不附一廉如水竇自是結議解官去不復出子偁萬曆壬辰進士

徐光啟

華亭徐文定初以右春坊右贊善兼道監察御史監軍出倉卒特授僉從不備自募人肩輿

楊瀚

述鄭益校錄本

陽城楊瀚神觀頎偉萬曆舉於鄉宰寧遠為盜藪治尚嚴

細道不拾遺調良鄉赤縣衝瘠其治如寧遠而稍馴之民犯博者褫其衣給驛卒自題門帖曰門如市心如水一塵不染提得起放得下百事敢為奏最限乙榜量移南京大理寺評事在時為右遷尋致仕素善酒嘗飲邑令張文運張連浮大白歎曰令君可人

馮氏義僕

華亭馮御史思次子可家幹馮良託以筦鑰可沒子大夏蕩棄其家依妻金陵十餘年不歸良每歲收田租易金即篋藏之不私一錢良久覓主歸以所積萬金還之大夏遂為富人後大夏沒諸藏金為他房瓜分良又不取一錢人稱其厚良子三

皆諸生孫明玠天啟壬戌進士歷御史良原趙氏

葛寅亮督學

錢塘葛屺瞻大理前督學湖廣每行部謁孔廟輒命諸生講書次第數十人默定優劣有講回之為人節聖人撒手是道賢人尚差一地位故拳拳服膺葛大賞之

丁賓老不忘孔林

嘉善丁清惠尚書年八十八崇禎庚午三月特北謁孔林償宿志

朱國楨秀才氣

丁清惠與烏程朱平涵相國善謂其居台鼎猶秀才氣象相國笑曰原是老秀才近來庶幾葉臺山無閣老氣

述鄭公校錄本

朱氏世攻草相國不殖產曰我何敢忘祖父攻草守藏時事乎

沈演四友二老

歸安沈何山尚書作四友二老圖身與王太宰永光畢司徒三才李宗伯騰芳曰四友與張總憲延登曰二老俱萬曆壬辰榜崇禎初起家

董其昌

華亭董玄宰宗伯坐部堂上朝鮮貢使謂為異人夏給事子暘使琉球歸求董書貽其來使

錢士升

嘉善錢塞菴相國先號御冷曰士大夫居鄉止宜杜門不聞一事若曰欲作好事便開罪端蓋身非有私而因緣旁入安能預

察而盡中其際耶

好人之所惡惡人之所好是謂拂人之性若好人之所好惡人之所惡亦拂己之性

經正則庶民興史熟則名臣出

以上俱面說

陳組綬結客

武進陳伊菴官兵部

結壯士千餘人皆漁陽大使時

勞以金帛及卒或欲收其客為列校客曰我等激於義為陳君效死豈肯仰文吏鼻息耶哭其喪而散

陸夢龍

餘姚陸參政夢龍好談兵先是黔中閱軍令七校各魚貫進身坐貢院門禁闌入初軍多更番適應至是術窮第七軍高拱北

述鄭益校錄本

稱四百人閱試止五人立斬拱北先後汰萬人

張燁芳

山陰張燁芳曰人而無友不如有仇仇亦足祛人眉宇間竊情

氣按燁芳居鄰陳都諫爾翼都諫熾焰時大不能堪俄都諫

以黨敗燁芳成進士嘗演魏忠賢諸劇陳隔聽亦不能堪燁芳

官結事中被謫壬午補翰林待詔道臨清值北兵匿於道院發

其裝得進賢冠徑尺令諸人戴之俱不合獨宜於張被殺贈太

僕寺丞

吳麟徵家訓

海鹽吳忠節家訓曰莫道作事公莫道開口是恨不割君雙耳
系棟在人家聽非議莫恃築基牢莫恃打算脩恨不鑿君雙眼

晴留在家堂看興廢

熟讀經書明晰義理兼通世務世亂方殷八股生活全然冷淡
農桑根本之計安穩着教無如此者詩酒聲技非今日事

柯起鳳不負丞

休寧縣丞柯起鳳四川人以廩生膺薦不卑其職才守自
厲遇事敢斷凜若神明臺司委決無虛日聲出令長上為各司
理所嫉構之去郡人祖送傾市竟任不私一錢吏部尚書鄭三
俊嘗追訟其事

王朝堂死孝

流寇陷太康諸生王朝堂以父中丞
殺棺得全
樞見斫柩棺拒罵被

述鄭公校錄本

藝篋

諭幼儒勅

太祖高皇帝諭幼儒勅有曰蓋於馬退山茅亭記見柳子厚之
文無益也柳子厚之兄司牧邕州構亭於馬退山之嶺非勞人
而弗成既成而無益於民是害民也略不規諫其兄使問民廩
之如何卻乃咏亭之美曰因山之亭為基無雕椽斲棟五采為
梁以青山為屏障此雖無益文尚有理其云白雲為藩籬此果
虛耶實耶談遷曰讀 聖諭得作文真訣矣存誠去浮根理資
用今曲學矜字句之間沿誕謾之習於文體人品不相研切如
五柳先生傳先生不知何許人也蓋淵明寓避世之意可一不
可再而白樂天陸龜蒙輩效之則誕矣虛實之論誠如宸諭

宣尼遺筆

孔林石刻宣聖遺筆暑往寒來春復秋夕陽西下水東流將軍
戰馬今何在野草閉花滿地愁末書仲尼有章疑此作偽者真
東家丘耶

顏子

國初朝鮮獻顏子以偽書卻之

海鹽秦駐山始皇碑

前賢灼灼後聖懋哉始皇承天越受帝命業超上古殲周滅鄭
七雄靡餘六國是併功齊太古道深前王埒炎均昊羨冠顯黃
靈七代敬構商堂縱聖凝神將記百 菴藹餘輝蜚聲萬禩
梁天監二年八月二十三日右判史敬素立石 海鹽縣志 此碑

述鄭益校錄本

史記不載而鄭亡久矣謂始皇滅鄭何也

偽書

毛漸偽三墳張昇偽元命苞孫定偽關尹子阮逸偽元經宋咸
偽孔叢子徐靈府偽文子戴師愈偽麻衣子袁康偽吳越春秋
明崑山王逢年偽天祿閣外史海鹽姚士舜偽於陵子

稽嵇康真蹟

錢塘楊廷筠以御史督學南畿有兄弟爭嵇叔夜手跡弟請田
三十頃易之致訟御史命立寶書堂公貯之

王大令洛神賦

王子敬小楷洛神賦顧凱之畫其下藏內鄉張康侯家購以五
百金康侯甲申避寇金陵張藐山先生借觀

雲麾將軍碑

萬曆六年河南李蔭宰宛平構小齋發礎得唐李邕雲麾將軍碑碑石並沒良鄉驛舍裂為柱礎可辨字百八十有九首篆存唐故雲三字蔭輦貯邑署名其齋曰古墨終戶部主事李邕書在蒲城縣西十五里李思訓墓上

百家姓

百家姓相傳宋人作故首趙南雍志有唐虞世南百家姓一卷

蘇子瞻制義

蘇長公外集有孟子義一首蓋以宋命題試士士之應舉制義概如此題以佚道使民以生道殺民使民為農民曰是食我之道也使民為兵曰是衛我之道也使民為城郭溝池曰是城

述鄭堂校錄本

我之道也雖勞而不怨也曰盤庚之民何以怨民可與樂成而不可與慮始蓋終於不怨也詩曰晝爾于茅宵爾索綯亟其乘屋來春播百穀可謂勞矣然民豈不思之曰上之果為誰之為也哉若夫田獵之娛宴好之奉上之人所自為之者君子蓋不以勞民也古者水衡少府天子之私藏大司農不以給共養勞費共養勞費出少府為是也孟子曰以佚道使民雖勞不怨以佚道使民可也以生道殺民君子蓋難言之易曰古之聰明睿知神武而不殺季康子曰如殺無道以就有道何如孔子曰子為政焉用殺夫殺無道就有道先王之所不免也孔子諱之然則殺者君子之所難言也

大學本義稿

朱文公大學本義稿友人沈世洎嘗見之多刪抹

朱文公集

慈谿謝象三 三 賔於亂時購宋板朱子集纔十金亡何又得宋板朱子集文頗不同多世所未見 包長明說

心史鉄函

崇禎戊寅十一月八日蘇州承天寺後智井得鉄函重積啟之宋鄭所南先生心史一部外標大宋鉄函經內書大宋孤臣鄭思肖百拜封自元世祖癸未歷今三百五十六年按心史行世久矣想副本流傳不待智井啟函也

宋濂

宋學士著作最富潛溪前後集在元季已盛行於世入 明劉

述鄭益校錄本

伯温選定為文粹十卷門人方孝孺鄭濟等又選續文粹十卷皆孝孺與同門劉剛林靜樓璉手自繕寫刊於義門書塾丙戌歲錢謙益於內殿見之孝孺氏名皆用墨塗乙益用草除舊禁也

道餘錄

姚少師廣孝別號逃虛子摘二程先生遺書二十八則朱子語錄二十一則逐條析其謬曰道餘錄吳縣行人張洪見即毀其書自謂所以報少師耳

御史試荳芽菜賦

蒙城陳嶷薦賢良方正考選試荳芽菜賦嶷第一拜浙江道御史終按察副使賦曰南國之賓客於上國與北都主人論辨

時事翊日請於主人曰子居上都俛於八隅目覽天下之奇物亦知天下之奇味乎主人曰唯唯客何言與天下之味形類萬殊燧人作脩庖人之初曰哉曰醬曰豢曰芻八珍甲四海之美五味極六合之腴猩唇豹胎之異熊掌駝峰之厨趙普掣蠍之炙何曾鶯掌之殊黨家之羊羔美酒五侯之燕髀鯖餘斫吳中之鱸釣松江之鱸鴛釀施蓼雪蛆侑俎簌蒲羞鱉芥醬蒲深鱸至若橙黃而螭蟬實荻綠而河豚涪黃雀入幕之子烏雞啄粟之鷓加之椒桂益之以油酥當嘉賓之既集命細君而當壚巨觥淺酌豔曲吟唔調嚼滋味既美且都客曰子惟知葷臊之為味而不知清楚之嘉蔬也主人從而改曰北山採蕨南山採薇祛壹堂北澹芹澗涓烹綠葵之嫩葉俛白薤之芳蕤補羸杞

迷鄭公校錄本

移繁蕪磨菇縷分於淮術波稜寸斷於蹲跂酣糟子薑之掌沫醯新笋之絲梭魚孕子苔脯乳鬚輪菌九沸山藥三炊漢家丘嫂之鑠錄冰壺先生之蘼至若錢塘之茭白商山之紫芝大宛之首蓓二蜀之雞栖棟擇加精調餉得宜香聞爽臆味適舒眉當舉案之頃會稱觴之時飲此佳品喜溢厥頤頤醫桑之徒餓笑首陽之空飢視彼蔓菁何物蘿菔奚為客曰子若徒知異之為美而不知近之為奇主人矐焉語塞拱手噉嘻曰然則子所言美者請脩言而述之客曰有彼物兮冰肌玉質子不入於淤泥根不資於扶植金芽寸長珠蕤雙輕匪綠匪青不丹不赤宛訝白龍之鬚仿佛春蠶之蟄雖狂風疾雨不減其芳重露嚴霜不凋其實物美而價輕象知而易識不勞乎椒桂之調不資乎

芻豢之汁數致而不窮，穀食而不數，雖以赫乎柱史之嚴，每嘗
寘之於齒牙，焉矣。憲臺之還，亦常疑之，而深入當乎退食之委
蛇之於則，伴其倉米之廩，食至於滌清觴，漱清臆，助清吟，益清職，視
彼主人所陳者，奚相去倍蓰而翅萬億也。與主人聞而歎曰：「得非
非市之所鬻，豈芽菜乎？」客乃曰：「然。主人曰：『美則矣，毋語近而
遺遠，厭富而樂貧。』客曰：『子何見之晚也？夫天下之味適口者為
佳，天下之士無欲者為貴。彼之所云者，非不口欲我之所卻者，
恐為心累，脫若致之弗克，則役之於心，役之於心，則為口體之
累，傳不云乎？養其小者則失其大者，大者既失，雖羅五鼎，亦惟取羞
雖享太牢，適增其醜。語既容，即揖謝于于而退。」

周叙修宋史

述鄭坐校錄本

正統末南京翰林侍講學士吉水周功叙叙請刪修宋史以畢
先志，許之功叙曾大父以立元鰲溪書院山長，上書修宋遼金
三史，推宋正統後功叙修宋元同上元陶元素未就卒。

莆陽物史

莆田周梁石璞與黃太史仲昭同修興化府志，論議間有不合，
自謂莆陽物史。

張元楨

張東白先生作文屬艸，每楮掌大作蠅頭細字，或用故紙覆背
書之。

詩韵辨

華亭張東海先生弼詩韵辨曰：韵書始於江左，弊有因襲，雖有

覺者力莫解正 我朝始刊定洪武正韻一洗千載之陋誠萬世之幸也惟詩家猶泥唐韻曰凡古詩之流可用正韻近體律惟詩用唐韻問其所以則曰律詩自唐始故也苟依正韻則曰落韻特遵令之制耳樂其寬耳試叩以唐韻冬東青清之屬何以異虞模麻遮之屬何以同則曰自有五聲七音輕清重濁於其間也噫是皆因襲而不察淺陋而無見口耳相承臆度妄語殊不知江左殊韻正坐不知七音之當解直據一方之所習故失立韻之本原也何輕清重濁之分耶借曰唐詩用唐韻則騷詞用楚韻古選用漢韻唐韻襲類譜而作故梁韻也何唐詩而用梁韻耶唐韻至宋已加通併非唐之舊則宋韻矣又何唐詩而用宋韻耶正韻惟取諧協固寬矣唐韻之聱牙者亦得而押

述鄭鈔校錄本

豈窄耶且作者何計寬窄也學士宋景濂所序慎重精密之至凡詩皆合用正韻且不待辨矣猶慮詩家習觀陰氏韻府群玉又以正韻定之則凡詩之不宜用唐韻又可識矣何淺陋者之因襲未復於正且又唱傳妄說使高明者亦不得繇於正也或曰李杜蘓黃諸家者皆用唐韻人不知病蓋唐宋之世病在韻作者弗病也况雖在唐宋不依唐韻者亦多矣泥者弗知惟取諧協則傳會其說曰漏底韻出入韻猶韻書上平下平不知由編帙重大而分乃曰音有上齟下齟之異也上平始於東終於山之意也淺陋類此不足一笑泥者反以正韻為失寧免笑乎李空同先生曰張東海韻辨東冬青清何以殊虞模麻遮何以同夫東冬青清反切本殊而人自不殊虞模麻遮調協本同而

人自不同願歸罪韵者嗚呼人之蔽至此哉韵母子相生五音
互之自然而成聲智不能加愚不能損信如此言則冬江貞先
虞尤不得通押而說不得說去聲哲不能哲去聲耶今人因前人云
四聲出於沈氏遂不復根究便立訓教人不知茲韵其來已遠
沈特校定之耳

張東海自題像

隨處丹青寫我神故人相見問何人於今百草張東海只有元
來一個真

司空圖

宋王禹偁辨五代史闕文云圖字表聖自言蒲州人有俊才咸
通中登進士第雅好為文躁於進取頗自矜伐端士鄙之從事

述鄭公校錄本

使府洎登朝驟歷清顯巢賊之亂車駕播遷圖有先人舊業在
中條山極林果之美圖自禮部員外郎避地焉日以詩酒自娛
屬天下板蕩士人多徃依之互相推獎由是聲名籍甚昭宗反
正以戶部侍郎召至京師圖既員才慢世謂已當為宰輔時人
惡之稍抑其銳圖憤謝病後歸中條與人疏不名官位但稱
知非子又稱耐辱居士其所居在鎮貽溪之上結茅屋命曰休
休亭嘗自為記云云以上梁史舊文按圖河中虞鄉人少有文
采為鄉里所稱會王凝自尚書郎出為絳州刺史圖以文謁之
大為凝知入知制誥遷中書舍人知貢舉擢圖上第頃之凝出
為宣州觀察使辟圖為從事既渡江御史府奏圖監察下詔詔
追之圖感凝知己之恩不忍輕離幕府滿百日不赴闕為臺司

所勅遂以本官分司俸之召拜禮部員外郎俄知制誥故集中有文曰戀恩稽命黜係洛師于今十方年參綸閣此豈躁於進取者耶舊史不詳一至于此圖見唐政多僻知天下必亂即棄官歸終條山尋以中書舍人召拜禮部戶部侍郎皆不起及昭宗播遷華州圖以密通乘輿即時奔問復歸還山故其詩曰多病形容五十三誰憐惜笏趨朝參此豈有意於相位耶河東節度使王重榮請圖撰碑得絹數千匹圖置於虞鄉市中恣鄉人所取一日而盡是時盜賊充斥獨不入王官谷河東士人依圖避難獲免者甚衆昭宗東遷又以兵部侍郎召至洛為柳燦傾阻一謝而退梁祖授禪以禮部尚書呂辭以老病卒年八十餘又按梁室大臣乃至有如敬翔李振杜曉楊涉等皆唐朝舊族

述鄭坐校錄本

本以忠義立身重侯累將三百餘年一旦委贄朱梁其甚者贊成弒逆圖以清直避世終身不仕梁祖故梁史拾圖小瑕以氓大節者良有以夫柳燦為相巨僚多被放逐為監察御史尤加畏慎昭宗郊禮畢上章懇乞致仕曰察臣本意非為官榮可駭衰羸庶全名節上特賜歸山其詔畧曰既養高以傲世類移山以鈎名心惟樂于漱流仕非顯于貪祿匪夷匪惠特忘反正之朝載省載思當狗棲遯之志宜放歸中條山詔辭乃燦之文也時多以四皓二疏譽之惟僧虛中云道裝汀宦識春醉野人持言其操履檢身非傲世者也又云有時看御札特地挂朝衣其尊戴存誠非邀君也

楊守陳

楊文懿書惟立所作許先生哀頌詞後

銘志

之言多溢美予弟此作蓋眩於銘志之言也後有覽者尚論其世則茲人者難乎免於君子之誅矣言其可易哉

李夢陽論文

昔人謂文至檀弓極遷史序驪姬云：檀弓第曰公安驪姬約而談夫經史懸殊經主約史主談譬之畫者形容之也貴得象具且如非驪姬食不甘味寢不安枕之類是也經者史之要者也曰安而食寢備矣自檀弓文極之論興而天下好古之士惑於是惟約之務為前洗為聾牙為剗剔使觀者知所事而不知所以事無由彷彿其形容西京之後作者無聞矣

李空同先生刻陶淵明集盡去評注曰青黃者木灾也太美之

述鄭公校錄本

味豈群口所還哉按古人注經史子外集不多及六臣注文選千家注杜尚矣其以批點行世者蘇老泉之於孟子劉辰翁之於李杜為得其繁萬曆中晉江李贄所閱著藏書焚書等刺道言煽輕誣末年吳興凌氏閔氏專刊硃批時雖紙貴灾木何極舒芬與友人論文曰六經未可以文法摹擬也書禮序述即事見道風雅咏歌以聲和律魯何章法句法不類之頌耶易始伏羲不知六畫奇耦其章法句法果安在耶春秋仲尼所筆削也簡者一字繁者僅三十五字其章法句法果安在耶故今之論文者動稱六經則亦前人悞之耳愚嘗以六經當以道論不當以文論

李夢陽何景明

李何裒然四傑之首冠冕當代人無異喙間有微文未加點璧
近常熟錢牧齋選 明詩論李何最嚴不啻輸攻矣雖非定論
錄竢公據

猷吉生休明之代負雄鷲之才儻然謂漢然無文唐後無詩以
復古為己任信陽何仲點默起而應之厥後齊吳代興江楚特
起北地之壇坫不改近世耳食者至謂唐有李杜 明有李何
自大曆以迄成化上下千載無餘子焉嗚呼何其詩也夷考其
實平心而論之由本朝之詩泝而上之格律差殊風調各別標
舉興會舒寫性情源流則一而已矣猷吉以後古自命曰古詩
必漢魏必三謝今體必初盛 唐必杜舍是無學焉牽率模擬
剽賊於句字之間如嬰兒之學語如童子之洛誦字則字句則

述鄭公校錄本

句篇則篇毫不能吐其心之所有古之人固如是乎猷吉曰不
讀唐以後書猷吉之詩文引据唐以前書紕繆挂漏不一而足
又何說也國家當日中月滿盛極孽衰粗才笨伯應運而起雄
霸詞盟流傳為謠種二百年以來正始淪亡榛蕪塞路先輩讀
書種子從此斷絕豈細故哉後有能別裁偽體如少陵者必以
斯言為然其以是獲罪於世之君子則非吾所惜也

仲默初與猷吉叔復古學名成之後互相詆謔兩家堅壘屹不
相下於是低頭下拜王漢陂倒前徒之戈俊逸粗浮薛西原分
北軍之祖則一時之軒輊已明身後之玄黃少息矣予獨怪仲
默之論曰詩溺於陶謝力振之古詩之法亡於謝文靡於隋韓
力振之古文之法亡于韓嗚呼詩至于陶謝文至于韓亦可以

已矣仲默不難以一言抹殺者何也淵明之詩鍾嶸以為古今
隱逸之宗梁昭明以為跌宕昭彰抑揚爽朗橫素波而旁流干
青雲而直上評之曰溺于義何居世運遷流風雅代變西京不
得不變為建安太康不得不變為元嘉康樂之興會標舉寓目
即書內無乏思外無遺物正以暢漢魏之風流草孫許之風尚
今必欲希風枚馬方駕曹劉割時代為鴻溝畫宋元為鬼國徒
抱刺舟之愚自違舍筏之論昌黎佐祐六經振起八代代文亡
於韓有何援援据吾不知仲默所謂文者何文詩者何詩也昔
賢論仲默之刺韓以為大言無當矯誣輕毀箴為膏肓允為篤
論矣獻吉兩書駁何矛盾互陷獨於斯言了無諍語弘正以後
謠諑之學流為種智後生面目倂背不知向方皆仲默謬論為

述鄭益校錄本

之質的也

江河伏流

秦州儲平甫洵正德辛未進士歷福建按察僉事輯草除錄博
採靖難諸臣題曰江河伏流平甫卒門人私謚貞文子

常倫逸詩

沁水常評事倫題榼山大雲寺壁宿此非一夕游此非一朝山
夫頗解狂夫趣時儲斗酒來相招殿前長松十圍大我欲絕粒
栖雲巢字大如斗今存評事集不載

王璜雲中歌

濬縣御史王璜正德辛巳進士雲中歌八首一曰小王子時打
圍時自稱北狩產龍姿墩上老軍莫相信 英皇元不納胡姬

胡瓚

彭德胡瓚嘗咏時苗還犢事任中如有子君欲付何人 垣詞
徐霖

武宗在臨清召江寧徐霖授教坊司官不拜乃授錦衣衛鎮撫
久益幸至呼其字子仁進必敝袍遂賜斗牛襲衣至南京嘗夜
過其家從容懽燕四更乃罷

前李攀龍

濟南李攀龍止白雲樓集偶友人處鴻爪集四帙云濟南李攀
龍于鱗著亟讀之則常州 人官太僕 在正德時非歷
下也曾參殺人之誤良不虛耶

兩京賦

述鄭校錄本

訓導

彭大雅柳州通判常熟桑悅御史江寧余光貢士盛
時泰南京刑部郎中臨川師機並作兩京賦光奏付史館賜鈔
千貫安福李學士時勉慈谿陳侍講敬宗並作北京賦教諭

聶鉉作南京賦

兩皇明通紀

嶺南梁億東莞陳建各著通紀

張邦奇

張文定邦奇作贈太監雲奇傳云奇洪武間以內使守西華門
時丞相藍玉居第去門不數十武一日詭言其第井中澧泉涌
出請 上臨觀而選壯士衷甲伏屏幃間以俟奇知之將上變
云、按此胡惟庸事文定宿學不宜悞或梓人之訛

修誌

林煙修福州府志人物有邪佞止宗人不及 國朝孝子割肝療親者二人去之烈女如科甲例每行二人其斥割肝者曰使人割之耶抑自割之耶人割之則世未有肯無故操刀而殺人者自割之其人已死矣又安能內探五藏辨其所謂肝者而後割之耶甚哉其妄也又福清林榮初則仁歲貢兵部尚書本朝列卿年表未載

平涼趙浚谷時春嘉靖庚申作平涼府通志官師人物美惡備列藝文僅記銘若干首無詩

王道書壁雜帖

順渠子曰吾於古人有四恨焉孔子曾見老子而孟子不得見

述鄭經校錄本

莊子此一恨也孟子得見子思子而荀卿不及見孟子又從而非之此二恨也楊子雲與鄭子真嚴君平同時同處且知二人之賢而不能相隨以隱此三恨也二程親見康節而不能傳其先天之學此四恨也宇宙間有此四大之事而古今人皆未嘗說破若以為當然者然此又恨外之一端也

王慎中

王遵巖先生作晉江楊角山墓志銘戶部主事李纘父也志述纘之言吾楊姓也世居安仁鄉之鈔舍村以力農本業自給吾父早孤而婿於陳城居也遂居於城之東隅陳母故李毅齋某公之甥也毅齋無子故吾父育於李而為之子彌李而妣陳也鄉人之敬愛吾父者知為李角山翁而不知為楊也惟吾父始

配陳某知之而繼室張氏謝氏與吾兄續亦不能知而續獨知之今將題名於阡作主於廟惑於所稱之姓先生其謂之何云云夫宗之必有別異姓之不相為後也在禮記之矣李君雖欲狗翁之情其如禮何請志之曰揚角山處士之墓
先生作筍江潘翁墓志銘：作長論又古法之變

國朝人物編

江都葛澗子常好積書撰國朝人物編自國初迄嘉靖數百卷人為列傳甚悉年七十餘友人私謚正學先生

夏惟訥

崑山夏惟訥好求遺書嘗秘一篋不以示人沒後啟視秃管數十枚手錄襟記百餘卷

述鄭益校錄本

唐覲

江陰貢生唐覲著延州筆記李肇鶚于民家屏障上斗麥易之噫文人遺業類覲者何限安得盡肇鶚其人刊以問世耶

李于鱗王元美手鈔

陳眉公曰李于鱗王元美在刑曹時手鈔史記文選一部舉觥誦以記否為賞罰大泌山人批閱以及南北史皆有小識錄他經傳稱是

李于鱗閱史記

殷正甫士儋有李于鱗所閱史記於秦始皇本紀止圖河魚大上人頭畜鳴八字沈懋孝長水集

王元美讀書後毀論

王元美所著讀書後四本捐館後公子吏部士騏於貨郎擔中重價得今行世又毀論十本係先生手書無副刻常熟錢牧齋乞於吏部者閤不示人辛卯九月書室灾不存惜哉噫文人子孫如任昉李白許渾諸君子筆凋墨替無論矣有箕裘若吏部而遺簡灰滅他何望乎

余翔

莆田余翔宗漢嘉靖 貢士任全椒令有治才兩造盈廷平決無停晷有羅氏鬻宅展轉數姓至武氏淘井得髑髏四具加釘焉呈於縣公彷彿夢人以蘿擔屍過其前時羅氏父死久訊其子已七拾自供父本牙僧正德間四客投店挾重貲父端午日醜殺之釘腦骨投井中羅子論辟其家竟絕後解任歸益肆

述鄭坐校錄本

力文章而游興不減盧敖家人生產不問

穆文熙焚書

東明穆小春憲副購書十餘萬卷疾篤盡舉所積焚之

謝陞季漢書

新安謝陞少連改陳壽三國志為季漢書予蜀正統魏吳世家按宋蕭常後漢書鄭雄飛續後漢書翁再蜀漢書元金華張極陵川郝經 明長洲吳尚儉並續後漢書

春雪詩

鄞縣全天叙萬曆 進士試館之先夢大父少司空 元立戒春雪詩勿用六出如其言獲選

無名氏詩

僕夫不識路躊躇路旁久寒風吹衣襟落日照馬首吳中無名氏作蘭溪吳孺子極愛之謂深有古致

明雋

濮州李尚寶先芳選 國朝燕趙秦晉齊魯河洛淮揚藩獻之詩附以蜀曰明雋吳越荆楚不與焉東阿于文定公序曰自二南以下十五國風皆江以北地也降而春秋吳越之歌吟乃出降而戰國荆楚之騷賦始傳故江以南之聲則歌吟騷賦之流而風之餘也非始音也原音之始以北先也 按李尚寶初善王元美後元美從于鱗游改嚮移好故明雋之外吳越荆楚有以也然所選多靡豔舒曼

宋登春

述鄭益校錄本

宋山人登春讀書嶧山厭薄交游乃作一小戶非匍匐不能入名曰狗洞縉紳先生過訪者輒難之惟濮上李伯承往來其中趙州張居仁集李伯承遲山人濮上館於清平閣山人日啖狗脯飲白酒夜誦楞嚴經念伯承殷勤間與倡和援筆艸就四座傾倒

北雍刊史

新建張洪陽位司業刊二十一史糜工部六萬金有奇

李湘州集

陳于陞修史

南充陳文憲相國時修正史

列聖本紀皇后本紀建文景泰以寔錄附載專紀有待

郊祀廟祀典禮樂律天文曆法宗藩學校選舉職官經籍賦役

貨幣漕運河渠益法軍政兵制馬政刑法郡國九邊凡二十二志
揚徐滁陽三王傳 高祖之十七籙 成祖之二籙 仁宗英
宗各四籙 憲宗之三籙 外戚 洪武之功臣諸臣建文諸
臣永樂之功臣諸臣洪宣諸臣正統天順諸臣景泰諸臣成化
諸臣弘治諸臣嘉靖諸臣隆慶諸臣正德諸臣又理學文苑循
吏高逸孝節亂逆權倖方技四夷列傳類二十六
志粗畢丁酉擬列傳六月三殿灾輟業又前充前卒四明沈一
貫殊不以為意非其始議也

西冷社

萬曆丙戌八月歙縣汪道昆鄞縣屠長卿隆輦集西湖之淨慈
寺仁和卓明卿餘杭徐桂為地主倡西冷社

述鄭公校錄本

孫冕

孫冕字文中江西德化人歲貢正德間任北通州訓導善詩畫
嘗和李西涯春興八首今錄其二山館悠々依峻坡別來應是
兩年過鹿麋昔日游偏好風雨他鄉夢更多松下小軒閑雨菊
松中荒徑掩雲蘿歸來若待頭顱白其柰巖花笑容何其竹垣
向裡闢新池徑曲門迂去每遲鳥弄落花人未到魚吹新荇月
先知天邊客夢何時醒江上歸舟此日移喚起巢由作賓主不
知身在昔堯時

爭詩

夜月烏啼白門柳隔江人聽後庭花武康吳允兆永嘉何元咎
各爭為已句餘杭徐茂吳桂曰句未佳何爭為

喻應益

新建喻叔虞憲副楓谷先生均子也咏滕王閣萬壽宮各四首
飛閣崇臺勝地留層巒遠水檻中收萋萋自綠王孫草歲歲空
生帝子洲烟樹尚含羅綺怨風濤不散莞絃愁漂零莫縱登臨
目門掩斜陽獨倚樓其一芳洲草樹碧纖纖醉倚臨空意未厭
山翠過江雲入戶春聲出谷鳥窺簷花憐綺陌飄歌扇柳近紅
亭颭酒帘千古繁華流水盡獨留明月上朱簾其二梅風杏雨
柳烟開滿眼芳菲祇自哀容子臨高曾作賦游人攬思獨登臺
於今殿閣盤空起依舊雲山隔岸來不識王郎風送別誰言伯
嶼更憐才其三閨市煙塵黯未通蕭條旅泊散江風龍河蜿蜒
滄波上雉堞參差晚照中昌邑舊城葭蕩渡南唐廢址水煙空

述鄭公校錄本

芳時士女應多恨遮莫還歌大小東

其四滕王閣

百疊青山磴道盤丹臺深鎖赤欄干階前柏是當年樹雲裡家
猶舊日壇漢祀祇今歸太祝宋皇曾此拜祠官無勞更表洲沙
識湖落空江鉄柱寒其一九柏歲蕤偃翠苞亭十里辨煙梢
雲深珠樹棲歸雀月滿霜潭泣老蛟風殿香浮爐影細星冠夜
集珮聲交野人掃地齋心拜芳渚青蘋藉白茅其二玄功自昔
滿鄉邦飛劍雲中氣尚馮三洞絳霞飄羽蓋五溪瑤艸映芝幢
金丹鷄犬歸僊島鉄鎖魚龍卧楚江里社年誇禱賽九天時
擁百靈降其三白袷青巖稱短衫採芝幽澗荷長鏡乍瞻丹壑
窺金穴細讀玄文叩石函天豁神臯開廣漠樹盤仙嶠出嶢巖
雲房玉磬松閑月未到蓬山已隔凡其四萬壽宮

王穉登

萬曆癸丑元旦吳縣王百谷卧疾吟迎春詩一首即逝

馮元成論文

馮文所先生曰古之文簡今之文繁古之碑碣志銘苟無閑繫則不書如緩急親黨不過曰待以舉火數十字一二語耳今則連篇累牘曰某也婚某也葬數其事而稱之數其人而記之瑣屑如甲乙簿何當哉憶予居常所為緩急人者一月或至數十事使他日子孫欲為予紀載則且至數十冊簿豈理也哉唐以來韓昌黎最為大家其志銘等文具在寥寥僅一二百言耳然其時且以諛墓譏之至於今或一序數千言或一傳數萬言荊州先生所謂山河大地不能作架子誠有味乎其感嘆也

述鄭公校錄本

是故君子之文寧損無益寧慎無濫寧拂人之子孫無違人之

月旦

周玄暉

崑山周復俊子顓南京太僕寺卿有館于木人涇之旁著涇林雜記涇林類記孫玄暉萬曆丙戌進士嘗任御史左遷補電白令放歸著涇林續記始舉筆赤蛇墮研刊成怨家張氏增飾宮掖一二事孽於縣令陳祖苞撫按奏上致宸怒逮下刑部獄卒人多寃之

陳植之

武林布衣陳植之

雖業醫苦吟好學歛縣吳克德符摘其

佳句如踈鐘四壁靜微雨一燈明移花春徑雨看竹午窓風繞

舍田疇熟遙村砧杵連王門竿自好客舍缺空彈河朔追狂飲
滄浪起浩歌因贈之詩曰昔賣名山藥女子識伯休孝先尋教
授大有童蒙求箴瓢在陋巷朝夕僅能謀上有白頭母吸菽代
庶羞下有黃頭兒擁絮視輕裘子身同鰥魚牧犢為好仇苟非
真有道疇能堪此愁自我不相見十年幾再周時々卒舊業隱
若對前修重逢憊愈甚每語無怨尤依然曳屣強歌仍自酬
感贈不遇賦沉思冀一抽申之貧士咏庶接古人遊異昔高士
傳真隱定見收

中秘書

晉江謝肇淞在杭為水部日福清葉相公直閣求閱秘府書潛
隨入翻閱僅抄劉後村集三十冊

述鄭益校錄本

收書法

南充陳元忠相國于陞好儲書平湖沈幼真太史懋孝勸其據
類書注中所引証之書覺篇目不徑見者日月標記今書賈時
時博求之無意中忽得奇書又據天下書目考其版籍在諸路
者時々馳尺一託交游間如目搜羅期得乃已自戊辰至甲戌
七年元忠以此法得奇書三千部及家艱寄書京師勲戚家半
失去

纂書

開國事畧本湖廣行都司經歷蔡于壁之龍飛紀畧卓氏藻林
本吳興王氏所輯嘉隆以來諸公掠美者頗多噫仰眠床上看
屋梁著書千秋萬歲誰傳此者幸傳矣又為宋齊丘所據惜哉

凡纂書有三貨得之可也陰得者次之最下則蹶踞

厄書

藏書佳事也閩省不數家不數傳如浦江義門鄭氏八萬卷燬於火義烏虞侍郎守愚叅政德燁父子樓藏數萬卷署曰樓不延客書不借人後蘭谿吳孝廉應麟賤直得之今亦佚盡太倉王元美書最富再傳而失開封中尉睦榘之萬卷堂會稽鈕氏之萬卷樓吾寧祝侍郎以幽之萬古樓武康駱侍郎駸曾平湖馮孝廉茂遠常熟錢宗伯謙益諸家非流散則妬焰矣噫縹帙緗函何預天曹事往被厄不能久錮設靈威大人之秘牒玄夷使者之珍符貯婢媵而儲二酉概如此厄天上司書吏地下修文郎亦寂難堪矣楊循吉既老散書親故令蕩子嬰婢

述鄭公校錄本

無復着手是或一道也

錢宗伯好儲書尤喜校訂廣蒐博引一編中粉墨丹青層見錯書有所疑悞千里之外託人研攷其購藏甲於東南亂後撰明史凡二百五十卷辛卯九月晦甫就越後日見燼火始作見朱衣者無數是非不得其平遂以熒惑掃之隻字不留亦一異

文瞽

正德中鄱縣王簡討九思敬夫失官授之人疾書不給

萬曆末秀水陳學士懿典孟嘗晚喪明詩文酬應如故出謁公府侍兒牽其裾即揖讓進退動如禮

唐府輔國將軍字決五歲喪明從師畫掌識文字日耳記千言

著名獻錄辨疑碑各一卷

華亭唐汝詢仲言五歲目盲父兄抱膝膝上授詩好聽授博通經籍注唐詩解五十卷授据該博著編蓬姑葭等集齟使揚鶴旌其廬曰耳學淹通捐俸刊其書常過常熟錢謙益所酒間誦子虛上林諸賦杜白諸長篇不遺一字留校杜詩時有新義如解溝壑踈放之句云出於向秀賦嵇志遠而踈呂志放而曠亦前入所未及也

鍾惺譚元春

鍾譚詩行於世孟津王鐸宗伯曰如此等詩決不富不貴不壽不子

洪範明義

述鄭公校錄本

漳浦黃石齋道周著孝經集傳又奉命纂洪範明義四卷戊寅被謫即進呈云臣攷篇中有錯簡者三訛字者三錯簡如五紀三德敷言而在後威福建極敷言錯而在前訛字如晨為農戎為忒殛為極之類皆伏晁之所不稹鄭孔所未說宋元諸儒稍發其端明興諸儒未意厥緒云

蔣德璟日記

晉江蔣八公相國性嗜書留心經濟有部即使榆閑語之曰彼處馬豈頗多宜注意部郎初不以為然至則果如其言所著日記

爭妾詩

崇禎癸未楚撫宋一雍敗役妾金陵陳氏以色藝為門客王屋

所聘貴陽謝叅政上選先娶致訟新安貢士程奎詩歌舞叢中
度歲華一朝忽散抱琵琶前身定是烏衣燕不在王家即謝家
山城曲
十七八正少二次明少年：少如春草：榮一霎然。易：武
藏州四圍無山島月出惟春草月後還青草 山城者日本也
好事有譯其曲者見鄭以偉猶夾稿

永和宮詞

揚州明月杜陵花夾道香塵迎麗華舊宅江都飛燕并新侯閨
內武安家雅步纖腰初召入鈿合金釵定情日豐容盛鬢固無
雙蹴鞠彈碁復第一上林花鳥寫生綃禁本鍾王點素毫楊柳
風微春試馬梧桐露冷暮吹簫君王宵旰無權思宮門夜半傳

述鄭公校錄本

封事玉几金床少宴眠陳娥衛艷誰頻侍貴妃明慧獨承恩宜
笑宜愁慰 至尊皓齒不呈微索問娥眉欲蹙又温存本朝家
法修清讌房帷久絕珍奇薦勅使惟追陽羨茶內人數減昭陽
膳維楊服製擅江南小閣爐烟沉水含私買瓊花新樣錦自修
水遞進黃柑中宮謂得君王意銀鑲不妬温成貴早日艱難護
大家比來懽笑同良娣奉使龍樓賈佩蘭往還偶失兩宮懽雖
云樊嫵能辭令欲得昭儀喜怒難綠綈小字書成印瓊函自署
充華進請罪長教聖主憐會詞欲得君王愠君王內顧惜傾城
故劍還存敵體思手詔玉人蒙詰問自來塔下拭啼痕外家官
拜金吾尉平生游俠多輕利縛客因催博進錢當筵便殺彈箏
妓班姬才調左姬賢霍氏驕奢竇氏專涕泣微聞椒殿詔笑談

豪奪灞陵田有司奏削將軍俸貴人冷落宮車夢永巷傳聞去
玩花景和門裏誰陪從天顏不憚侍人愁后促黃門台共游初
勸官家伴不應玉車早到殿西頭西王最小牽衣戲長者讀書
少者弟聞道君王譽定陶獨將多病憐如意豈有神君語帳中
漫云王母降離宮巫陽莫救蒼舒恨金鎖凋殘玉筋紅從此君
王慘不樂叢臺置酒風蕭索已報河南失數州况驚少子傷離
落貴妃瘦損坐匡床慵髻啼眉掩洞房葦菹湯溫水簟冷荔枝
漿熟玉魚涼病不禁秋泪沾臆徘徊自絕君王膝苔沒長門有
夢歸花飛寒食應相憶玉匣珠襦啟便房薤歌無异塋同昌君
王欲製哀蟬賦誅筆詞臣有謝莊頭白宮娥暗嘔感庸知朝露
非為福宮草明年戰血腥當時莫向西陵哭窮泉相見痛蒼黃

述鄭公校錄本

還向家問主王幸免玉環逢喪亂不須銅雀怨興亡自古豪華
如轉轂武安若在憂家族愛子雖添北渚愁外家自墓驪山足
夜雨椒房陰火青杜鵑啼血躍龍門漢家伏后知同恨止少當
年董貴人碧殿淒涼新木拱行人尚識昭儀塚麥飯冬青問茂
陵斜陽蔓艸埋殘壘昭丘松檟北風哀南內春深擁夜來莫奏
霓裳天寶曲景陽宮井落秋槐

思陵長公主挽詩

貴主徽音美 前朝簡命光鴻名垂遠近哀誄著興亡託體皇
枝貴承休聖善祥母儀惟謹肅家法在矜莊上苑穠桃李瑤池
小鳳凰鸞章青綉屐魚泉笏縹囊沉燎薰爐細流蘓寶蓋香襖
期陪掖水蘭館助條桑綠綵芄蘭佩紅螭薤葉璋錫封需大國

喚仗及迴廊受冊威儀定傳峰羽檄忙司輿停鹵簿掌瑞徹珩
璜婺宿明河澹薇垣太白芒至尊憂吐吒仁壽涕滂徨鄴邑年
方幼瓊華齒正芳艱難愁付託顛沛俱參商文葆憐還戲勝衣
泣未遑從容咨傳母倥急詢貂璫傳箭聞嚴鼓投籤見柎床內
人縫賜甲中旨票支糧使者填平朔將軍帶護羗寧無一矢救
足慰兩宮望盜賊狐篝火關山蟻潰防道遙師逗撓奔走寇披
猖牙纛吹看折梯衝舞莫當妖氛纏象闕殺氣滿陳倉天道真
蒙昧君心願慨慷割慈全國體處變重宗潢胄子除華紱家丞
具亟裝勅須離禁闈手為換衣裳社稷仇宜報君親過勿忘遇
人尚退讓慎已舊行藏 國母磨笄刺宮娥掩袂傷他年標信
史同日見 高皇元主甘從殉君王入未央抽刀凌左闔申脰

述鄭公校錄本

就干將噫血形圍地橫尸紫蘖汪絕吭甦又咽暝睫倦微揚裊
褥移私第霑胸進勺漿誓肌封斷骨茹戚吮殘創死早隨諸妹
生猶望二王股肱羞魏相肺腑恨周昌賊遁仍函谷兵來豈建
康六軍髣面慟四海過音喪故國新原廟群臣奉舊常賄圭陳
厭翟題湊載輜輶隨偏賢妃塚山疑望子岡銜哀生父老主祭
失元良訣絕均杯土飄零冬異方衣冠羸博墓風雨鵲鴿行浩
劫歸空壤浮生寄渺茫玉真圖下髮甲伯勸承筐沅水餘堯女
營丘止孟姜君臣今世代甥舅即蒸嘗湯沐鄉亭秩家門殿省
卽淒涼脂粉磴零落綺羅箱宅枕平津巷街通少府墻畫閣偕
妯娒曉坐向姑嫜偶語追銅雀無聊問柏梁豫游推揅柳勝跡
是梳裝菡萏鴛鴦扇茱萸鷓鴣觴大庖南膳廠奇卉北花房煖

閣葫蘆錦温泉豈菟湯雕新獅首炭甜食虎睛糖壯麗成焦土
榛蕪拱白楊麋游鵠鵲觀苔後闢鷄坊荀灌心惆悵秦休志激
昂崩城身竟隕填海願難償命也知奚憾天平數不減累歎床
簣語即寔寢園傍半骸先從父遺骸始見娘黃泉母子痛白骨
弟兄殤夙昔銅駝泣諸陵石馬荒三年修苻蒸一飯莫嵩印寒
食重來路新阡宿艸長溪田延黍稼隴笛卧牛羊朽壤穿蝼蟻
驚沙起鵠鷄病樗眠廢社衰艸折寒塘列刹皇姑寺馱經內道
場侍鬟稱練小像刻沉香玉座懸珠帳金支渡汰航少兒漆
畫燭保媪伴帷堂露湿丹楓冷星稀青鳥翔幡旌晨隱鈴鉞
夜鏘控霍攀龍馭駮麟謁帝閭靈妃歌縹緲神女笑徜徉苦
露迷槐市雌霓繕建章歸鄮思五廟涉漠泪三湘柔福何慚宋

述鄭公校錄本

平陽可佐唐虞淵瞻返日萬里叫飛霜自古遭兵擾偏嗟擁林
傍魯元馳孔丞苒季負蒼黃漂泊悲臨海包含恥漂陽本朝端
閭闔設制勝岩疆處順敦恭儉時危值紀綱英聲超北海雅操
過東鄉新野墳松直招祇祠柏蒼薤歌雖慘澹汗簡自輝煌謚
號千秋定銘旌百禩彰秦簫吹斷續楚挽哭滄浪

盧岐嶷

長泰盧岐嶷嘉靖甲辰進士終貴州按察司初為戶部郎与汪
道昆同舍有遺脂香油於汪者汪問在古何云岐嶷曰唐人謝
賜口脂豆澡此二物也宴席有糖獅象復問於古何云曰漢光
武禁猊糖不許高大此是矣

王九思謝榛袁宗道

鄠縣王九思漢陂集自序曰余始為翰林時詩學靡麗文體萎弱其後德涵猷吉導予習其易焉猷吉改正予詩者稿今尚在也而文由德涵改王正者尤易然亦獨予也惟仲默諸君子亦二先生有以發之顧予頑鈍不能勉副其意故今老且朽矣而於所習詩若文者竟亦無所得焉是則可恨也

謝榛詩家直說曰作詩勿自滿若識者詆訶則易之雖盛唐名家亦有罅隙所謂瑜不掩瑕是也已成家數有疵易露家數未成有疵難評

袁宗道曰時有古今詩言亦有古今：人所詫為奇字奧句安知非古之街談巷議耶方言謂楚人稱好曰党稱慧曰諧稱跳曰跼稱取曰挺予生長楚國未聞此言今語異古此亦一証故

述鄭坐校錄本

史記五帝三皇紀改古語從今字者甚多疇改為改俾為使格姦為至姦厥田厥賦為其田其賦不可勝記左氏太古不遠然傳中字句未嘗肖書也司馬去左亦不遠然史記字句未嘗肖左也今日逆數前漢不知幾千年遠矣自司馬不能同于左氏今日乃欲兼同司馬不亦謬乎空同諸文尚多已意紀事述情往：偏其真尤可取者地名官銜俱因時制今却嫌時制不文取秦漢名銜以文之觀者若不檢一統志幾不識為何鄉貫矣且文之佳惡不在地名官銜也

失婢詩

攜李陳詩教和唐人失婢詩集句楚客停橈欲問誰頽况流鶯上下燕參差李商隱春樓不閉歲蕤鎖韓翃長路多逢輕薄兒

耿漳應為能歌繫仙席鄭谷只緣幽恨在新詩步非烟今朝統
郭花容徧李涉別有傳心事宜知白居易

廣孝錄

邑人周珽青羊善畫葡萄晚輯廣孝錄若干卷弘光乙酉夏疾
篤夢人語以待廣孝錄成遂薤亂時失其二卷後年卒

續哀江南賦

嘉興沈世涵作續哀江南賦有序

粵以甲申之三月盜弄乾樞神器無主帝既醉於釣天人或腥
於毳幕中興道銷窮於三擅厄運之極古今未有歌臺走麋鹿
之踪過市盡髡鉗之客晨看旅鴈辭玉塞而凝雲私等銅仙望
秋城而泣雨昔士衡入洛之日仲宣登樓之年並在亂離咸有

述鄭公校錄本

著述謝眺釣渚之賦思江海之無波潘岳閨中之詩憫荆榛之
載道雖復顰輸澆女步媿瑟人盛衰之感同斯來軫誰非秦地
空想桃花詎有商岩遙尋芝艸冰魚未絕徒懷扶雨之心蟄燕
猶蘓不謝雕梁之憶錢鎖既沉木葉再落興言往弔追賦斯篇
日月如馳人間何世夷門日冷魏市成墟易水風悲秦筑罷擊
惟雪衣之委羽曾侍先皇若供奉之捐生堪羞朝士兼年累日
悵切南冠飲恨吞聲私修漢臘薄羨秋滿抑箭春搖恐菊水無
延歲之方桑滄非可俟之晷夫霸孫啓祚尚揚赤壁之靈弱宋
遺都猶報朱仙之捷亦各控帶數州綱紀百載豈有蘆葍荻茂
竟浦浮江代馬胡鞞凌波滄水烏孫千騎控淮水而鳴弦翟泉
雙鶴指吳都而扇翼五陵冠烏邈矣華風萬里縵纓此焉從俗

二三俊人徒懷死衛乘輿之誠百萬義師竟少固我藩籬之具
豈昔之龍盤虎踞者佳氣盡於此耶是知崖山執節終靡信國
之旗大海揚波必覆張侯之艇天意人事不禁臨風喟愴者也
世涵山雌辨色將遠謝乎樊籠爰居避風魯何情乎鐘鼓豈希
黃絹之題聊此嫠緯之恤文博之枕流漱石竊有志焉子山之
垂露湧泉矐乎後也賦曰臨江阜以四望兮氣紆結而懷憂伊
天步之艱難兮神恍々而凝愁昔高后之作京兮寔祚土於鍾
丘控方塘之白水兮枕震澤之清流封狼胥以為鎮兮琛沒羽
而為州湛盧宵飛而吳定兮樓船朝濟而漢謳數軍寔於長洲
之苑饗戎旅於武昌之樓黃旗雨轉紫蓋雲浮剪桐珪以錫燕
更奕葉而遷幽於樂都之麗康兮乃陪服於南留華寔徧野紅

述鄭公校錄本

粟方舟引陂泉而滋灌注兮指翼軫而帶女牛歷三百而無事
兮不識夫鮫函之與屬錢雖有綠被之媒孽雀蒲之嘯聚不旋
踵而夷囚於是士女游冶族姓繁富玉樹挺於王謝朱輪侔於
碩陸老成奕世典型似續銘勒燕然旌懸月窟烽火息於漁陽
兮貢葡萄與天馬時既泰而將屯人娛安而忘苦家築夏后之
臺戶涉周王之圃烏轉迭歌花穠雪舞風流清談而袷名卿尹
黨鈞而造禍武帳絕韜於龍豹文絃罷奏於邛魯腥鮑爛而是
求兮白馬沉而何補既而燕厦將焚魚鼎日沸閭左有揭竿之
呼嚴閨無折柳之蔽天子方履端門而御平臺召百官而延
多士期弱草之凌勁風假垂螭以行淫雨請纓則終軍彈劍則
馬武出玉關而論兵晏蘭池而旁午空杼軸於二東兮猶呼庚

而未止尔乃宮鳴野雉星落天弧夏箭不能殪仙芝之靈秦鉄
不能禁驪山之徒彼小醜之馮陵固蔓延而滋多逞其鴟梟之
性鼓其鯨鯢之濤野烟吹斷白骨丘枯一二秉鈞握樞之佐方
留賊以自固曾莫肯兮焦慮而殷圖墨吏熬其膏殘兵密於篋
虺毒吹熾豺牙橫厲黃巾大呼銅馬如蟻戰已及於觀門群工
猶侯第而夜嬉橋山之弓不歸茂陵之盜日出草木為之飯血
神人於焉憤涕江表藉司馬之靈奉神皇之胤值天地之睢
刺畫江淮而宅鼎四海喁臻響屬影咏南音之頌懷兮願觀
中興而昭淑景帝不悔亡淫荒是逞金鞭未收於傳舍鐵杖已
投于晏寢方採佳麗以寔椒宮構迎風以連結綺元宰無東山
之望牧伯非睢陽之擬第鼠首而蠅營兮恣苞苴而成水火地

述鄭公校錄本

圻天崩鼓卧旗仆鬼同謀於曹社帝醉錫以秦土翳上將之披
猖各飛揚而跋扈既主器之沉淪乃不恥乎降北單于置酒而
長圍截橫江而竟渡立馬於吳山之巔射麋於蘇臺之許羨靖
國之捐軀獨名存而禍酷爰有河橋魏將之符閉路田文之客
拭玉張旃尋盟許國思坐觀於時變亮國仇而莫塞青龍之艦
未浮飛燕之舟喟魚甲之潛去聞雀唳而不得聞曹空懸
浙鈎寡色日冉而靈逝兮思寡而弗釋紕寃心以為縲兮
編愁苦以為臆奚我逢此厄辰兮刻著志之靡適掩柴藿之荒
扉兮浮雲惜而送日服縵纓而推結兮別無虬龍之與螭螳於
是胡風曉白清笳夜驚控弦洞庭之浦校陣彭蠡之陰舩艗烟
散戈既揮於漢臯守無聞於壽春精衛延石而遇矢

文鯨夜飛而觸兵曩時冠帶衣履之俗莫不輸金繒於穹帳謝
簪笏於龍庭遙瞻巫岫極目海陵荒臺月寂古榭風平馳鳴春
艸駘汗芳葵書盡灰於秦劫劍已化於豐城若乃金柯霞震瑤
葉雲靡別艷姬於楚幄墜寶玦於城隅悲有雍門之瑟客無報
韓之錐玉笛碎而人往雉裘委而身靡溘朝露以同盡積為怨
而難舒至如李陵窮幕王衍排墻弔影奪魄名隕心愴慙塵尾
之刻玉羞鴈足之裂縷求牽犬兮故里咏落月兮北梁華棟云
覆金穴何常顏白日以無色入修夜之不揚若夫二京學士五
都浙游子脫畧公卿跌宕文史驅征馬而不前傷搖風之四起
似輕絮之颺絲類弱鱗之失水鬱青霞之奇志獨快抑而誰語
况復君涉江波妾溯交湖望子吟而不返兮於放子去而煩多

述鄭公校錄本

哀拍留聲於文姬新箏寫恨於羅敷紫臺夢香江南草枯感別
離之萬狀淒雨散而烟衰更有孤臣危涕烈士墜心屍懸馬草
血洒乘塵霜張其志日貫其精厲勁節於歲寒守如石之筠貞
慕嵇卞之遐躅渺翩々而結纓彼闔門之殉死實鐵中之錚々
原金陵之始禍蓋蕭牆之內起上游懼楚甲之乘天塹遂胡馬
之濟十五國之亡忽焉十六王之宗不祀漢老想司隸之儀南
人望壽皇之址痛麥秀於殷墟泣山河之异主朔兮學月兮心
胆寒朔刀凝雪兮骨肉凜以赴死殤魂游於鳳凰之臺鬼火亂
於瀟湘之渚蒼雲則七量合圍海潮則三日不至歎東舟之已
膠何南風之不競雖復荆有七澤揚沮三江曾無淝水之捷屢
效石頭之降河方堅而騎斷楫未擊而雞荒寃霜暑落憤水秋

長天之所廢其何以昌昔天下之一家倚東南之藩蔽自付託
之庸邪舉江淮而全棄信辭鄉而哀賦兮機入洛而榮著聊儻
個以娛憂兮觀江南之變態

補豔骨行 及京

至元初江浙平章阿魯只班子婦以乳死歸骨於其鄉西湖北
山僧黃龍老人作艷骨行事載紹衣聞臨安雜志中今其辭亡
矣嘉善及京補之留山中以貽好事者

彩珠天上墜華月掌上珍萬里陰山雪一枝瓊樹春陰山直北
飛蓬逐海上迤東晴沙蹴烏孫公主戀玉門漢家明妃厭金屋
麗人獨立穹廬地深閨長養旃裘族名花寶幄白晝寒異香錦
幕清夜燠長白山頭瑤艸暉鴨綠江口蜻蜒飛闕氏妬得泣不


述鄭益校錄本

得秦王求仙祠未歸朝辭名王聘莫卻翁候婚膏髮明璫潤慵
珠暗袖溫門庭設蘭祀壁戶塗椒葢屏 映于飛窓選中連理
簫弄朱離秦鵲填初度水一隻翠羽鳴三五金波始翠羽金波
夜復朝銀笙錦瑟曉連宵吳宮闋草吹香佩魏苑彈碁拂畫綃
千金舞買青衣笑不珮歌徵小史妖嬌歌艷舞懽不足掘梨藏
鈎戲相促填門車馬多貴臣綠鞵丹騶座上賓記与客語試公
子罷就婦飲真天人盈々天街北皎々婺女津一朝甌腸秋風
起十萬控弦紫電指將軍開府浙江頭夫婿承恩官舍裡攜家
迨々入簫閨金僕如抽壁玉弓鳳子冠搖碧條脫龍媒鸚煖青
連環南國徵書棘西園宴賞開園中桃李鬪春妍湖上清明放
鷓天寶馬香過烟岫寺錦帆花出画橋船歸來明月蓮花炬醉

照華堂燕子箋夢中小：不知愁畫裡真：自起樓紅豈新教
翻鬢栗青琴素手劈瑩篔簹塵龍女拂照骨戚姬軀橫波賭射
嬌分鏡蹙翠爭驍泥占散長夏成陰綠樹好瑤階手種宜男草
侍兒私語記紅潮八月停煎賀房老玉杯金盞索即持綉圍珠
屏不自支水晶齒菡萏葡萄夜玳瑁梧桐抽時嗔啼頰怒重無
聊鳳 態態走空相嬌自茲卧起如翻水遂令服食同迴颯
初就增城館未整政君翹冰桃雪汁琉璃餅火棗霞漿琥珀盃
西池王母覈仙書南岳夫人降鳳車鳳車何歲蕤雲璈正杳冥
瀛海風冷：聚窟香烟：温明秘器賜東園南方楯甲寵魚軒
雪肪紫錦桃花洞玉匣珠襦青鳥幡青鳥青珠照青閨桃花苑
浪吊桃箔鴻都道士訪太真上林神君見宛若南枝越鳥啼北

述鄭公校錄本

風代馬嘶紅顏一旦化旅魂國俗由來重歸國六丁朝煉形三
官夜考魄王棺啟視儼朝班丹唇含笑露幽芳芝焚蕙剪燮蘭
薪鶴馭螭飛駕鳳鱗鎖子九霄烟磨泥五色露金膏百和拾空
青錦疊千雙晨寶璐大招遙返塞北山暹日發引江南路傾城
靺鞨畫貂蟬導馬貌貅畫鼓簫碧雲車洒神靈雨素奈花簪士
女髻經梁復經梁渡灤復渡遼：山空水歷平野罽帳毳廬扶
驕馬已矣哉魂歸來雪磧晨寄穴冰天夕築臺風姨掩袖慟月
姐温纓哀服匿承肌酪留犁薦乳醅珠琲酬送使繒綵賚輿臺
黃金千百鎰都護跨駝回



述鄭公校錄本

卷之四